

619
1972



ՀԱՅԿ

№ 5 ԾՅՈՆՈ 1972

1 მაისი



პროლეტარებო ყველა ქვეყნისა, შეერთდით!

ქართული

№ 5 (426) მაისი, 1972 წ.
გამოცემის წელი 50-ე.

ყოველთვიური საზოგადოებრივ-
პოლიტიკური და სალიტერატურო-
სამხატვრო ჟურნალი

საპირველშისო პლაკატი.
მხატვარი თ. სამსონაძე.

ლენინის ქალაქი



ჩვენი დიადი სამშობლოს, საბჭოთა ქვეყნის მოძმე ხალხები მთელი გატაცებით ემზადებიან თავიანთი სახელოვანი ისტორიის დიდი და ნათელი თარიღის — საბჭოთა სოციალისტური რესპუბლიკის კავშირის შექმნის ორმოცდაათი წლისთავის შესახვედრად.

დღესასწაულისათვის მზადების დღეებში ჩვენ მოგიტხოვრებთ მოძმე ხალხების ცხოვრებაზე, მათს გმირულ შრომასა და ბრძოლაზე ოქტომბრის მონაპოვრის დასაცავად, კომუნისმის ასაშენებლად.

ამჯერად ჩვენ ვაქვეყნებთ ჩვენი ცნობილი პოეტების — ლადო სულაბერიძისა და მორის ფოცხიშვილის ნარკვევს ლენინის ქალაქზე, სადაც გადაიშალა პირველი ფურცელი კაცობრიობის ახალი ისტორიისა. ამავე თემას ეძღვნება ცნობილი ოსი პოეტის რევაზ ასაევის ლექსი „ნევის სანაპიროზე“.

ჩვენი პირველი მასპინძელი

თვითმფრინავმა გაჰკვეთა ღრუბლების სქელი ფენა და ლენინგრადის მიწაზე დაეშვა. ჩვენ პირველად ვართ აქ და, რა თქმა უნდა, არ გვესიამოვნა, რომ ღრუბლიანი დღე შეგვეწრო, მაგრამ ტაქსის შოფერმა დაგვაიმედა — ჩვენმა ქალაქმა ასე იცის, შუადღისს შეიძლება მზემაც გამოანათოსო; რომ გაიგო ლენინგრადში პირველად ვიყავით, სასტუმროში მისვლამდე, ყოველი ისტორიული ადგილი თუ შენობა კარგად გაგვაცნო. ჩვენ გაცხებულნი ვუსმენდით. ასე გვეგონა, ტაქსის შოფერი კი არა, ისტორიკოსი გვესაუბრებოდა. შესანიშნავად იცოდა მან ლენინის ქალაქის აწმყოც და შორეული, თუ ახლო წარსულიც. უბრალო, მხიარული ბიჭი პეტრე ვორონოვი თბილისში ყოფილა და მსუბუქი იუმორით გამთბარ ენაწულიან საუბარში ზოგი რამ მოგონა კიდეც. იგი პაპის-პაპით ლენინგრადელია, და ამ ხანმოკლე მგზავრობამ დაგვარწმუნა, თუ რარიგ გატაცებით ჰყვარებია მას მშობლიური ქალაქი. ჩემი ქალაქის მშენებელ უპირველესად ნევაო, გვიტხრა მან და სასტუმროსკენ მიმავალ გზას გადაუხვია. ჩვენ მართლაც მოგვიხილნა ნევის დიდებულმა სანახაობამ. ღრუბლიანი დღის დეგა ფერი დასდებოდა ძლევაშისი და მრავალჭირნახულ მდინარეს. შოფერმა სანაპიროდან მარცხნივ შეუხვია და მარსის ვეებერთელა მოედანთან, სუვოროვის ძეგლის ახლოს გაჩერა მანქანა.

ეს ძეგლი აქ მეცხრამეტე საუკუნის დასაწყისში აღუმართავთ.

ბლოკადის დღეებში ლენინგრადელებმა ქალაქის ყველა ქანდაკება საიმედოდ შეფუთეს მიწით გატენილი ტომრებით, ბევრი მოხსნეს და საიმედო ადგილას შეინახეს. სუვოროვის ძეგლისთვის ხელი არ უხლიათ. იგი კვლავ გმირობისა და შეუდრეკლობის სიმბოლოდ იდგა ნევის ნაპირას. ფრონტზე მიმავალი ჭარისკაცები და შეიარაღებული ლენინგრადელები ამ ძეგლის წინ ერთ წამს შეჩერდებოდნენ, მშობლიური ქალაქის დასაცავად ფიცს სდებდნენ და ისე მიემართებოდნენ ფაშისტებთან საბრძოლველად. მოხდა სასწაულიც: ლენინგრადის ბლო-

კადის დღეებში არც ერთი ბომბი არ დასცემია ამ დიდებულ ქანდაკებას.

სანამ სასტუმროში არ დავბინავა, შოფერი მანამ არ გამოგვეშვიდობა. ახლა რამდენიმე გამოძახება მაქვს, იმას მოვიღვე, სადამოხანს მოგაკითხავთ და მე შემოგატარებთ ქალაქსო.

პირველი მაცნე ოქტომბრისა

სასტუმროში ვედარ გავჩერდით.

ლენინგრადი! ლენინის ქალაქი! ლენინის სახელთან არის დაკავშირებული ამ ქალაქის ახალი ცხოვრება, დიდი ოქტომბრის მღელვარე ეპოპეა, მთელი საბჭოთა კავშირის ისტორია. აქ დაიწა ხალხთა ძმობის აკვანი. ამიტომაც ლენინგრადელები გაათკეცებული ენერგიით ემზადებიან სახელოვანი იუბილესათვის — საბჭოთა კავშირის შექმნის 50 წლისთავისათვის.

კვირა დღეა. ქალაქის ფართო ქუჩებს ეტყობა, რომ ლენინგრადელები ისვენებენ. ნევის პროსპექტი სავსეა ხალხით. მდინარის მშვიდ და წყნარ ტალღებზე ისვენებს ოქტომბრის ლეგენდარული ხომალდი „ავრორა“, პირველი მაცნე კაცობრიობის ახალი ისტორიის დასაწყისისა. ბალტიის ფლოტის ვეტერანი ახლა რევოლუციის მუზეუმად არის გადაქცეული და ყოველდღიურად უამრავ მნახველს იზიდავს. გემის ქვემეხები კვლავ მაღლა შემართულან. ომის დროს ლენინგრადის გმირმა დამცველებმა ხომალდი ნაღმებს აარიდეს და წყალში ჩამალეს, ქვემეხები კი ხმელეთზე გადამოიტანეს. ეს ქვემეხებიც მრისხანედ ქუხდნენ ლენინგრადის ბლოკადის დროს.



ქ. ლენინგრადი. გრიბოდოვის სახელობის არხი.

რამდენი. რამ წავგიკითხავს მასზე, რამდენჯერ განმაურებულა „ავრორა“ ჩვენი პოეტების ლექსებში; იგი საქვეყნო განთიადის სიმბოლოდ იქცა.

ხომალდის ახლოს, ნაპირზე სხვადასხვა ქალაქებიდან, რესპუბლიკებიდან და უცხოეთიდან ჩამოსული მოქალაქეები დგანან, ისინი თვალს ვერ აშორებენ „ავრორას“: მდერთან, მხიარულად საუბრობენ და სურათებს იღებენ ხომალდის ფონზე.

უფროსების მხარდამხარ

მარსის ველზე, ვეებერთელა მოედნის შუაში მარადიული ცეცხლი ანთია იმ გმირთა სამახსოვროდ, რომლებიც გმირული სიკვდილით დაეცნენ რევოლუციის პირველ დღეებში. ხალხის ნაკადი განუწყვეტლივ მიედინება ამ წმინდა საფლავებისაკენ დალუპულთა გვარები ქვის კედლებზეა მიწერილი. გამოჩენილ რევოლუციონერთა საფლავებზე პატა-

საქ. სსრ კ. მარქსის
ხაზ. სახ. რესპუბ.



სმოლნი. მხატვარი ო. პოჩტენი.

რა ოთხკუთხედი ლოდები დევს, ერთ ლოდზე წარწერილია ნორჩი მსახიობ-აგიტატორის კოტე მღებრი-შვილის სახელი და გვარი.

ეს ის კოტე მღებრიშვილია, ცხრა წლის ქართველი ყმაწვილი, რომელიც სამოქალაქო ომის დროს მგზნებარე სიმღერებით აღაფრთოვანებდა რევოლუციის ჭარისკაცებს ცეცხლის წინა ხაზზე. მტრის ტყვიამ შეაწყვეტინა მას სიმღერა, მაგრამ ეს მარადიული ცეცხლის ალი აღარასოდეს გაშქრება მის საფლავთან.

საფლავთან ქედდახრილები ვიდექით. მოვიდა ერთი შუახანსადაცილებული ქალი. საფლავის ლოდს დააჩერდა, მერე ჩვენ შემოგვხედა და ნაღვლიანად თქვა, რა პატარა მოუკლავთო. ჩვენ მას მოკლედ გავაცანით კოტეს ვინაობა. მან გულსისყურით მოგვისმინა და გვიპასუხა:

— წყულები, ბავშვებსაც არ ინდობდნენ. ლენინგრადის ბლოკადის დროს ვინ მოსთვლის რამდენი ბავშვი იმსხვერპლა ტყვიამ და შიმშილმა. არასოდეს დამავიწყდება ერთი მთვანი, პატარა მევილინე მუსია. 1941 წელს მუსიას დედა სამხედრო ჰოსპიტალში მუშაობდა. ერთხელ, მუსია რომ შინ მოვიდა, დედამ უთხრა: „შვილო, დღეს ერთი ხელმოკლე ქარისკაცი მოიყვანეს ლაზარეში, დავიწვი მისი ცოდვით, ისე აწუხებდა ტყვილები, ვერაფრით ვერ დაფუცხვით. წადი, წაიდე ვილინო, მიდი მასთან და დაუკარი. ვინ იცის, იქნებ ცოტათი მაინც გაერთოს და ტყვილი ჩაუწყნარდეს“. მუსიამ მაშინვე ხელი დასტაცა ვილინოს და გაიქცა. მივიდა ჭარისკაცის საწოლთან, დაჭრილი კვნესოდა და ოხრავდა. მუსიამ დაკვრა დაიწყო. სხვა დაჭრილები, ვისაც კი ფეხზე დგომა შეეძლო, მუსიას გარშემო შემოიკრიბნენ. დაჭრილი ჭარისკაცი მართლაც ნელ-ნელა დამშვიდდა, მერე გაირინდა და სანამ მუსია უკრავდა, ხმა არ ამოუღია. ამის შემდეგ ჭარისკაცი გვერდიდან აღარ იშორებდა პატარას.

მუსია ლენინგრადის ახლოს, სოფელში ცხოვრობდა დედ-მამასთან ერთად. გერმანელებმა მოახერხეს ამ სოფლის აღება. ფაშისტები მუსიას სახლში შევიდნენ და ტყვიებით დაცხრილეს მისი მშობლები. ოთახის კუთხეში მიყუდულმა მუსიამ ტირილი დაიწყო. გერმანელები ოფიცერმა ტახტზე დადებულ ვილინოს მოჰკრა თვალი. შენიაო, ჰკითხა

დამტვრეული რუსულით. მუსიამ თავი დაუქნია. აბა, დაუკარი, თუ კარგად უკრავ, სიკვდილს გადაჩრებიო. მუსიამ უეცრად ქვითინი შესწყვიტა, თვალები ამოიშრალა, ტახტთან მივიდა, ვილინო მოიმარჯვა, ოფიცერს თვალები გაუსწორა და... უეცრად გაისმა „ინტერნაციონალის“ ჰიმნი. ცოტახანს უსმინა ოფიცერმა, მერე ავტომატი შემართა და ტყვიით დაცხრილა უშიშარი გოგონა.

ახლა იმ სკოლის კედელზე, სადაც მუსია სწავლობდა, მამაცი გოგონას უკვდავსაყოფად მემორიალური დაფა გაკრული. სკოლაში მისი სახელობის პიონერული რაზმი არსებობს.

ჩვენმა თანამოსაუბრემ ამის მოყოლა დამთავრა, კოტეს საფლავის პატარა ლოდს კიდევ ერთხელ დააჩერდა, გამოგვიმშვიდობა და ნაღვლიანად გაგვშორდა.

ლენინგრადი დღეგრძელობს

მეორე დღით ისევ ლენინგრადის ქუჩები, ბულვარები, სკვერები და ხიდეები... დიდებული ხიდეები... მუზეუმები... მაგრამ ყველაზე მთავარი — ცოცხალი აღმინები არიან. სტუმართმოყვარე, საქმიანი, ლაღი და სიცოცხლის მოყვარული. ვანა ამ სიცოცხლის სიყვარულმა არ გადაატანინა ლენინგრადელებს ომის საზარელი წლები — ლენინგრადის ბლოკადა.

ლენინგრადი დღეგრძელობს, იბრძვის, აშენებს. უამრავი ტურისტის ირევა ლენინგრადში. მათი ცნობა ძნელი არ არის. ლენინგრადელს უფრო საქმიანი სახე აქვს. მიდის დაფიქრებული, სადაც მიეჩქარება, ათასი საზრუნავი აქვს.

სტუმარს კი სხვა ნაბიჯი აქვს. ხან ერთ, ხან მეორე შენობას შესცქერის, უნდა ყველაფერი ნახოს, მოასწროს, ამიტომ არის, რომ ისიც ქალაქის ტემპში ებმება, ჩქარობს, სადაც მიისწრაფვის და ამ სწრაფვას დასასრული არ უჩანს. სანახაობას სანახაობა სცვლის.

ლენინგრადი — ეს მონუმენტურობა, მისი მთლიანად აღქმა მხოლოდ მხატვრულ წარმოსახვას თუ შეუძლია; მისი გრანდიოზულობა და სიდიადე, იმავე დროს, სტოგებს სისადავისა და ზომიერების საოცრად ბარბონიულ შთაბეჭდილებას. ბუბუნებს ეს ვეება ქალაქი და, იმავე დროს, რაღაც დიდ მყუდროებას გრძნობთ. და ამ შთაბეჭდილებას აძლიერებს

რებს აგერ, ქუჩის კიდესთან დადგმული პატარა საბავშვო ეტლი, რომელშიაც თოთო ლენინგრადელს სძინავს. მშობლები, ალბათ, აქვე ახლო არიან. სძინავს ღრმა, ბავშვური ძალით პატარა ლენინგრადელს.

აი, სახელგანთქმული ერმიტაჟი. აქ დიდიდანვე თავს იყრიან აღმინები. დიდძალი დამთვალიერებლები ჰყავს ერმიტაჟს. ჩვენ რიგში ვდგებით... დილა... ბედი გვწყალობს, რადგან თოვლუკაბია და ხალხი დღეს შედარებით ნაკლებად აწყდება აქაურობას, თუ კი ეს ნაკლებობას ნიშნავს. რიგია ქუჩაშიც, შესასვლელებში... დარბაზში კი მთელი საათობით იცდიან, რომ პალატები გაიხადონ, გარდერობში ერთი უბრალო ლურსმანიც კი არ არის არსად თავისუფალი.

ლენინგრადში არა მარტო ხალხი იბრძოდა, არა. აქ ყველა შენობა, სახლი, ქუჩა, ხიდი, ძველი თუ მოედანი თანაბრად იყოფდა იმ გაჭირვებას, რაც ლენინგრადის ბლოკადის უამის ნაკვალევი.

ახლა აღარ ატყვია ქალაქს ომის ნაკვალევი. ლენინგრადელებმა არა მარტო ომის წინაღობის დიდი სახე მისცეს საყვარელ ქალაქს, არამედ მრავალი ახალი პროსპექტი, ქუჩაც და მშენიერი ახალი უბნები ააშენეს.

ერთ-ერთ ახალ პარკს ლენინგრადელებმა „გამარჯვების პარკი“ უწოდეს. პარკის შესასვლელთან თვალი მოგვართ: ზის გრძელ მერხზე მოხუცი ქალი და მის წინ დაფრენილ მტრედების გუნდს საკენკს უყრის. თბება მზეზე მოხუცი ქალი და მის ფერხითი დაგოგმანებენ მშვიდობის მაუწყებელი ფრინველები.

პარკი სავსეა მამაცი ლენინგრადელების ბიუსტებით, რომელთაც სიცოცხლე არ დაიმურეს საყვარელი ქალაქის დასაცავად.

მოდიან და მოდიან ლენინგრადელები ამ ბიუსტებთან და ახლა, როცა მთელი ჩვენი ქვეყანა ემზადება ხალხთა დიადი ძმური ოჯახის — საბჭოთა კავშირის ნახევარსაუკუნოვანი იუბილეისთვის, ისინი განსაკუთრებული სიამაყის გრძნობით შესცქერავენ ამ წამარადუამოდ ქვაში გაცოცხლებული მამაცი თანამოქალაქეების ნათელ სახეებს.

პარკში შესასვლელთან კი გრძელ მერხზე, შუადღის მზეს მიფიცხებია მოხუცი ქალი და პურის ნამცეცხვს უყრის მის ფერხთა წინ მოღულუნე მტრედების გუნდს.

ძმობის ხიდი

ჭერ კიდევ მეთექვსმეტე საუკუნეში, დიდი ძნელბედობის — სპარსელებისა და თურქების შემოსევების დროს ქართველმა მეფეებმა, დიდებულებმა, მეცნიერებმა და პოეტებმა მტრისაგან თავდასახსნელად მოსკოვს მიმართეს. მომდევნო საუკუნეების მანძილზე ჭერ მოსკოვში, ხოლო შემდეგ პეტერბურგში, მისი დაარსების დღიდან (1708 წელი) ჩნდება ქართული კერები, რომელთაც ჩვენს ისტორიაში უადრესად დიდი როლი შეასრულეს.

რუსეთთან საქართველოს შეერთების შემდეგ კი უფრო ინტენსიური ხდება ქართველების ლტოლვა პეტერბურგისაკენ. ნიჭიერი ახლგაზრდობა ამ ქალაქისაკენ მიემართება განათლების მისაღებად. აქ სწავლობდა პოეტი ალექსანდრე ჭავჭავაძე, აქვე სასულიერო აკადემია დამთავრა შემდეგ ცნობილმა სასულიერო მოღვაწემ იოანე ხელაშვილმა.

ფასდაუღებელია მე-19 საუკუნის ქართველი ინტელიგენციის აღზრდის საქმეში პეტერბურგის უნივერსიტეტის როლი. აქ მიიღო მრავალმხრივი განათლება დიდმა ქართველმა განმანათლებელმა სოლომონ დოდაშვილმა. მის თვალწინ ჩაიჭრალა დეკაბრისტების ქარიშხლიანმა დღეებმა. იგი პირველი ქართველი მოღვაწე იყო, რომელიც გულმხურვალედ დაუახლოვდა დეკაბრისტებს; ს. დოდაშვილი დიდხანს ინახავდა სიკვდილის წინ რილევის მიერ ცოლისადმი მიწერილ წერილსა და რილევის ლექსის „ნალივიკოს აღსარების“ გრიგოლ ორბელიანისეულ ქართულ თარგმანს. შემ-



კოსტა ხეთაბურძის

ცის თვალუწვდენელ,
ლურჯ პერგამენტზე
ვერცხლის ბეჭედი დასვა მთვარემ,
და რძისფერ სხივთა ნაწი ალერსით
სულმთლად აივსო ვარსკვლავთა მხარე.
ახლა,
სენატის ძველ მოედანზე,
ჩემს სიცოცხლეში პირველად ვდგავარ.
ვხედავ:
მერანი შემდგარა ყალყზე
და პეტრე დიდი გაცქერის ქალაქს.

ჩემს თვალწინ ნელა
ირწყვა ნევა,
ნეტავ,
პასუხის გამხადოს ღირსი:
აქ ერთი ოსი პოეტის მჭერას
თუ გრძნობდნენ ერთ დროს ტალღები მისი?
მინდა,
რომ წყალმა აიდგას ენა,
წყნარ ტალღას
რამე წამოცდეს იქნებ.
მაგრამ ყინულის საბანქვეშ თველმა
ვერას ანიშნებს ჩემს ბავშვურ ფიქრებს...
მთვარის ემბაზში მდინარე ელავს,
მთელი მდინარე თითქოს ანთია,
და ამ სინათლეს,
ვით ცისარტყელა,
კიროვის ხიდი გადასაღტვია.
გმირმა ჩკალოვმა
სწორედ ამ ხიდქვეშ
გაინავარდა ფოლადის ფრთებით.
ღარიბი კეთილს ხედავს სიჭმრებს, —
ცხადშიც არ გახსოვს მსგავსი სიჭმრები.
შენ არ გინახავს
„ავრორას“ მჭერამ
როგორ გაუხსნა გზა ხალხის სვე-ბედს;
რევოლუციის უკვდავი კერა
როგორ ებრძოდა შიმშილს და მეფეს.
შენ არ გინახავს,
ჩვენმა თაობამ
როგორ დაიცვა ოქტომბრის დროშა,
როგორი ჰქონდათ გამბედაობა,
იმ საშინელი ბლოკადის დრო-ჟამს.
...ხელს უწვდის მოსკოვის
ძლიერი სწორი

და განიერი პროსპექტი ნევის.
დავდივარ,
გული სავსე მაქვს თრთოლვით
და თითქოს მესმის ჩურჩულიც შენი!
ღვას ჩემს წინ
შენი აკადემია
გაუხუნარი და ძველისძველი,
თითქოს ციური ნაკადებია,
ისე შრიალებს ბაღნარი სველი.
ვისმენ საყვარელ ფიჭვების ფეთქვას,
და სულის ფსკერზე იმგვარად მთბილა,
ახე მგონია,
ფიჭვებთან ერთად
მადლს აფრქვევს შენი „ოსური ლირაც“.
სადღაც ბულბულის გაისმა სტვენა,
ნევის ნიავმაც დაჰბერა ღაღაღ;
და მჭერა,
მჭერა,
ათასჯერ მჭერა, —
აქ შენს ნაკვალევს უთოოდ ვნახავ!
დავხედავ ნევის
და მის ხარკეში
შენი თვალბის ციმციმს მოვძებნი, —
ერთ დროს ხომ გვრტდი
ტალღებს დაგეშილს,
ო, ღირსეულო შვილო ოსეთის
...გადაცისკრებულ ცის პერგამენტზე
მზემ მზისოდენა
დასვა დალი
და თვალისმომჭრელ სხივთა ალერსში
სულმთლად გახვია ქალაქი-ბალი.

თარგმნა ოთარ ზალამბერიძემ.

თხვევით არ უთარგმნია დიდ ქართველ პოეტს გრი-
გოლ ორბელიანს თვითმპყრობელობის წინააღმდეგ
მებრძოლი პოეტის კონდრატი რილევის ეს ლექსი.
ქართველმა პოეტმა ლექსს მხოლოდ „აღსარება“
დაარქვა სათაურად და სათაურს ქვემოთ მიაწერა:
„მიბაძვა კონდ. რილევის ლექსისა: ნალივაციოს
აღსარება“; გრ. ორბელიანმა რუსი პოეტის ლექსი
გადმოქართულა და მიუსადაგა თავის თანამედრო-
ვეთა პატრიოტულ შემართებას.
სამოციანი წლების რუსეთის რევოლუციურ-დე-
მოკრატიულმა მოძრაობამ დიდი გავლენა მოახდინ-
ა იმუამად იქ, პეტერბურგის უნივერსიტეტში მოს-
წავლელ ქართველ სტუდენტებზე. ილია ჭავჭავაძე და
აკაკი წერეთელი, თავის თანამოაზრე ქართველ სტუ-
დენტებთან ერთად, გატაცებით კითხულობენ ჩერ-
ნიშევსკის „სოვრემენიკს“. ამის გამო ნ. ნიკოლაძე
იგონებს: „რა აღტაცებით და აჩქარებით, რა სიხარ-
ბით და დაუღალველობით ვეწაფებოდით ჩვენ მის
კითხვას, რანაირად გვიფთქდა ჩვენ მაშინ გული,
გვიღელავდა გრძნობა და გვეწოლა ტვინი და გო-
ნება! რამდენი გრძელი, ბოლომთოუღებელი, ჩრდი-
ლოეთის ზამთრის ღამე გაგვიტენებია ჩვენ მათზე
დავაში, და რამდენი შემდეგი ღამეები მოუსვენ-
რად ვუწვალდებივართ იმ გრძნობის მღელვარებას,
იმ აზრის მუშაობას, რომელიც ამ უურნალს ჩვენ-
ში მოუხდენია!“
პეტერბურგის უნივერსიტეტში სტუდენტობის
დროს იწყება ილიასა და აკაკის მეგობრობა, აქ
იფურჩქნება მათი პოეტური ნიჭი, აქ ჩამოყალიბდა
მათი ეროვნული და სოციალური განთავისუფლების
იდეები. ამ დროს შეხვდა აკაკი წერეთელი დიდ
უკრაინელ პოეტს ტარას შევჩენკოს, დიდმა კობ-
ზარმა შეაყვარა აკაკის უკრაინელი ხალხი. სიკვდი-
ლამდე არ განეღებია აკაკის ეს სიყვარული.
ახლა, ნევის სანაპიროზე, ქართველი კაცი, უნი-
ვერსიტეტთან რომ ჩაივლის, არ შეიძლება თვალ-
წინ არ დაუდგეს იმ გზნებარე სტუდენტების წმინ-
და აჩრდილები. აქ დადიოდნენ ისინი წიგნებით

ხელში, რუს მეგობრებთან ერთად, ამ უნივერსი-
ტეტის ჰერკვეშ ისხდნენ და უსმენდნენ გამოჩენილ
რუს მეცნიერებს, ისხდნენ უმდიდრეს ბიბლიოთე-
კებში და თავიანთი გონების ჰორიზონტს აფართო-
ებდნენ, რომ შემდეგ მშფოთვარე თერგი გადმოეფ-
ლოთ და თვითმპყრობელობის უღელქვეშ მგმინავი
ერისა და მამულის სახსენლად სამშობლოში დაბ-
რუნებულეყვნენ.
ოთხი წელიწადი დაჰყო ილიამ პეტერბურგში.
თუ რა კვალი დააჩინეს ამ წლებმა მის სულიერ
სამყაროს, ეს კარგად ჩანს თვით ილიას შთაგონე-
ბული სიტყვებიდან: „იცი, მკითხველო, ეს ოთხი
წელიწადი რა ოთხი წელიწადია! პირველი, რომ
მთელი საუკუნეა მისთვის, ვინც თავის ქვეყანას მო-
შორებია. მეორე, ეგ ოთხი წელიწადი ცხოვრების
საძირკველია, ცხოვრების წყაროს სათავეა, ბეწვის

ხილია, სიბნელისა და სინათლის შუა ბედისაგან გა-
დებული... ო, ძვირფასო ოთხი წელიწადო! ნეტავი
იმახ, ვისაც შენგან გადებული ბეწვის ხილი ფეხთა-
ქვეშ არ ჩასტყდომია, ნეტავი იმახ, ვინც შენ რიგი-
ანად მოგიხმარა“.
მართლაც, რიგიანად გაიარეს ეს ხილი ჩვენმა სა-
მოციანელმა „თერგდალეულებმა“, რიგიანად გაიარ-
ეს და მომავალ თაობებს ახალი, ბურჯმაგარი, ფარ-
თო ხილი გაუდეს თბილისიდან ლენინგრადამდე.
დღეს ლენინის ქალაქი საბჭოთა ხალხების გა-
ნუყრელი ძმობისა და მეგობრობის დიადი კერაა.
ამაზე შეტყველებს მისი წარსულიც და აწმყოც.

ლადო სულაბერიძე,
მორის ფონცინოვილი.

ლენინგრადის ფრონტი.
მეომრები შეტევაზე.



უნ ბიძუნით, საგოგონო!



ყველას ბავი

პენსიონერი ანელია სტანკევიჩი ქუთაისში ცხოვრობდა, მარტოხელა იყო. მეუღლე და შვილი სამამულო ომში დაედღა.

ახლობლები არა ჰყავდა მოხუცს, ამიტომ პიონერი ლეილა სტურუა და მისი მეგობრები მოინახულებდნენ ხოლმე და ეხმარებოდნენ საოჯახო საქმეში.

ერთხელ პიონერები ბებია ანელიას ბინის ქირის შესატანად რომ მიდიოდნენ, თქვეს, მოდით საქალაქო საბჭოს აღმასკომში მივიდეთ და ვთხოვოთ, როგორც პენსიონერს ბინის ქირაში შეღავათი გაუწიონ.

მართლაც წავიდნენ. აღმასკომის მუშაკს დაუწყეს ახსნა-განმარტება, მაგრამ ვერა გააგვიბინეს რა. ყველა ერთად ლაპარაკობდა.

— მოიცათ, მოიცათ, ყველა ერთად ნუ ლაპარაკობთ, ვისი ბებიაც არის, იმან მითხრას რაშია საქმე.

— ყველას ბებიაა!
— როგორ? — იკითხა გაკვირვებულმა მუშაკმა.
— არა, არავის ბებია არ არის, — სცადეს საქმის გამოსწორება ბავშვებმა.

— არავის ბებია არ არის? მაშ რაზე შეწყუბულხართ?

— მოიცათ ბავშვებო, მე ვეტყვი ყველაფერს, — თქვა ლეილამ და აუხსნა რაშიც იყო საქმე.

— ეს სულ სხვა ამბავია. დაწერეთ განცხადება და დატოვეთ.

პიონერები ასეც მოიქცნენ.

რამდენიმე დღის შემდეგ სკოლაში სახლმმართველობის წარმომადგენელი მივიდა და პიონერებს უთხრა, სამხედრო კომისარიატიდან პენსიონერობის ცნობა მოიტანეთ.

იმ დღესვე წავიდნენ პიონერები, ცნობა აიღეს და სახლმმართველობაში მოიტანეს.

პიონერებმა მიზანს მიაღწიეს. ბებია ანელიამ კი ძალზე გაიხარა.

შუაგოგარი გოგონა

ქვეყანა ომით მიყენებულ კრილობების მოშუშებას შეუდგა. პარტიამ საქართველოს მეჩაიეებს ახალი დიდი ამოცანები დაუსახა.

პიონერები, როგორც ყოველთვის, ახლაც უფროსების მხარდამხარ შრომობდნენ ჩაის პლანტაციებში.

ერთ დღეს ნათელა ჩელებაძე კოლმეურნეობის თავმჯდომარე ჰუსეინ ჭყონიასთან მივიდა. მაშინ გოგონა თორმეტი წლისა იყო.

— ძია ჰუსეინ, მომეცით ჩაის პლანტაცია! თავმჯდომარემ გაკვირვებით შეხედა გოგონას, მომეყურაო, ეგონა და ჰკითხა:

— რა გინდა, შვილო?

— პლანტაცია გამომიყავით, მოუველი, მოვეკრევი თავმჯდომარეს სახეზე გაჯავრება გამოეხატა.

— სკოლაში შენს მამიგერად ვილამ ისწავლოს? მე ხომ არა?

— სკოლაშიც ვისწავლი და ჩაისაც მოვეკრევი.

— როგორ?

— აღრე ავღებები და გვიან დავეწები, — გაბედულად თქვა გოგონამ.

ეს თხოვნა ბავშვურ გულბრყვილო თხოვნას არა ჰგავდა, თავმჯდომარემ ნათელას თვალბში შეუპოვრობა შენიშნა და დათანხმდა. პატარა ნაკვეთი მისცა, დედამისის პლანტაციის გვერდით.

გახარებული გოგონა იმ დღიდანვე შეუდგა საქმეს. როცა ჩაის კრეფის სეზონი დამთავრდა, დაიანგარიშეს, ყველა გაკვირვებული დარჩა, ნათელას ერთი ტონა ჩაის პირველხარისხიანი ფოთლი მოეკრიფა.

ამის შემდეგ უფრო მეტი ნდობით შეხედეს გოგონას და ახლა, როგორც უფროსებს, მასაც ნახევარი ჰექტარი პლანტაცია მოუზომეს.

სარეკორდო მოსავალი მიიღო ნათელამ თავის ნაკვეთზე — 6.750 კილოგრამი. ქობულეთის რაიონის სოფელ ბობოყეთის საშუალო სკოლის რაზმის საბჭოს თავმჯდომარე ნათელა ჩელებაძეს სოციალისტური შრომის გვირის წოდება მიენიჭა. ეს იყო 1949 წელს.

ქართული წერილი

იმ დღეს ლეილა ნოზაძემ და დათო კოკიაძემ უკრაინელი მეგობრების ბარათი მიიღეს, გახსნეს და გაოცდნენ, ქართულად იყო დაწერილი. წერილი რაზმში წაიკითხეს ყველას გასაგონად. კიეველ პიონერებს ინტერნაციონალური მეგობრობის კლუბში ქართული ენის შემსწავლელი წრე შეუქმნიათ. ანბანი უკვე უსწავლიათ და აი წერილიც გამოუგზავნიან, ნახეთ და ძალიან ნუ გაგვიცხავთ, შეცდომები თუ ნახოთ.

უკრაინელი მეგობრების ქართულად დაწერაღმა წერილმა აფიქრებინათ თბილისის 22-ე სკოლის პიონერებს, რომ მათაც შეექმნათ უკრაინული ენის შემსწავლელი წრე.

— იცით, მე ბიძაშვილი მყავს, კიეველია, ჩვენს უნივერსიტეტში სწავლობს, ვთხოვ და დაგვემხარება, — თქვა იზამ.

გაეხარდათ პიონერებს, რომ იზას ასეთი ბიძაშვილი ჰყოლია და ქართველმა პიონერებმა უკრაინული ენის შესწავლა დაიწყეს. მალე მათაც უკრაინულ ენაზე დაწერილი ბარათი გაუგზავნეს შორეულ მეგობრებს.

ახმედის დაბადების დღე

კომინიოვში ორი დღის ჩასულები იყვნენ პიონერები, როცა შეიტყვეს რომ ხვალ უზბეკი ბიჭის ახმედის დაბადების დღეაო. ყმაწვილებმა გადაწყვი-

ტეს ეს სასიხარულო დღე ერთად აღენიშნათ. ბავშვებმა ახმედთან მოიყარეს თავი. იქ იყვნენ რუსი, უკრაინელი, თურქმენი, ქართველი, ლიტველი და სხვა ეროვნების პიონერები.

იუბილარი საბატიო ადგილას დასვეს. საჩუქრები კი ნამდვილად უჩვეულო და განსაკუთრებული იყო.

პირველი სიტყვა ქართველ თამრიკო დათუაშვილს მისცეს. თამრიკომ ახმედს საჩუქრად „მთარვა“ ლილი იაშვილის სიმღერა „ია-ია“. თამრიკოს მიერ შესრულებულმა ამ სიმღერამ დიდი მოწონება დაიმსახურა. ეტყობა იუბილარსაც ძალზე მოეწონა, რადგან ფეხზე წამოდგა და მდაბლად დაუტარა თავი.

ვილიამ და ვოვამ უკრაინული ცეკვა შესარულეს. ირამ და რიმამ კი თურქმენულად ჩამოუარეს, და მერე ვილნიუსელებმა იმღერეს. ყველა ნომერს ტაშით ხვდებოდნენ ყმაწვილები და იუბილარიც დიდად კმაყოფილი იყო.

ვილიამ იხუმრა: „ახმედს მთელი საბჭოთა კავშირი უხდის დაბადების დღესო“.

მართლაც ჩვენი დიდი სამშობლოს ყველა რესპუბლიკის წარმომადგენლები იყვნენ თავმოყრილი კომინიოვში. კომინიოვის 56-ე სკოლამ მეგობრობის ფესტივალი მოაწყო და ყველა რესპუბლიკის პიონერები დაბატიყეს.

პიონერებმა ერთად დაათვალიერეს მოლდავეთის დედაქალაქის ღირსშესანიშნაობანი. მეგობრობის ფესტივალზე კი ჩვენი დიდი სამშობლოს ყველა კუთხის სიმღერები გაისმოდა.

მეგობრობის წყარო

მეთხე წელიწადია ზუგდიდის რაიონის სოფელ ორჯონიკიძის სკოლის პიონერები ქალაქ ულიანოვსკის იმ სკოლის პიონერებთან მეგობრობენ, სადაც ბავშვობის წლებში ვ. ი. ლენინი სწავლობდა. შარშან ზუგდიდელი ულიანოვსკში იყვნენ და დაათვალიერეს ქალაქის ყველა ღირსშესანიშნაობანი. რა თქმა უნდა, ყველაზე მეტად ის ადგილები აინტერესებდათ ქართველ პიონერებს, რომელიც ვ. ი. ლენინის - ბავშვობისა და ახალგაზრდობის წლებთან არის დაკავშირებული.

მერე კი ულიანოვსკელი პიონერები და მოსწავლეები ესტუმრნენ ზუგდიდელ ყმაწვილებს. ძალზე აინტერესებდათ ჩვენი მხარე. დაათვალიერეს ენგურპისის მშენებლობა, ზუგდიდის სახელმწიფო მუზეუმი, უძველესი ციხე-სიმაგრე ჯიხა, საბავშვო კურორტი ანაკლია. როცა ჩაის პლანტაციაში გაიყვანეს, სტუმრები გაკვირვებით შესცქეროდნენ ჩაის ბუჩქებს.

— აი, თურმე როგორი ყოფილა ჩაი! — ამბობდა გაკვირვებით ტანია და ხელით ეხებოდა მწვენი ბუჩქებს.

მასპინძლებმა აუხსნეს როგორ მოჰყავთ ჩაი, როგორ უვლიან, როდის იკრიფება. მერე კი ჩაის ფაბრიკაში წაიყვანეს და ჩაის დამზადების მთელი პროცესი აჩვენეს.

გამგზავრების დღეს კლუბში მეგობრობის საღამო გამართეს და პიონერული კოცონი აანთეს.

დიდხანს ისხდნენ სტუმრები და მასპინძლები მოგიზგიზე კოცონთან და საუბრობდნენ სწავლაზე, მომავალზე, მეგობრობაზე.

— რა შორს არის ჩვენგან ულიანოვსკი და რა სახლოვესა ვგრძნობთ ერთმანეთთან. მეგობრობის რა უხილავი ძაფები გვაკავშირებს ერთმანეთთან! — თქვა რომანმა და დასძინა: — ჩვენ ულიანოვსკმა დაგვაკავშირა და დაგვაძმობილა.

სტუმრებმა გაკვირვებით შეხედეს მასპინძლებს.

— რატომ ულიანოვსკმა?

— ჩვენი ბენიფიციარებია და მეგობრობის წყარო ხომ დიდი ლენინია, ლენინი კი თქვენს ქალაქში დაიბადა.

— სრული სიმართლეა, — უპასუხეს მათ ღიმილით.

ბიჭოს პასუხი

ძელმწიურში უმცროსი ლეიტენანტი ზაბაგა შემოვიდა.

— ამხანაგო ბატალიონის მეთაურო, ურალიდან სატანკო ათეული ჩამოვიდა, — თქვა მან.

— ყოჩაღ! — თვალეები გაუნათდა სატანკო ბატალიონის მეთაურს, გვარდინის მაიორს კორობოვს.

იღმა 1944 წლის სუსხიანი დეკემბერი. ჩვენი ჯარები ემზადებოდნენ ცნობილი „ვისლა-ოდერის ოპერაციის“ განხორციელებისათვის. ოპერაციის მიზანი იყო მთლიანად გაენთავისუფლებინათ პოლონეთი და შეჭრილიყვნენ გერმანიის ტერიტორიაზე.

სწორედ ამ ხანებში მაიორ კორობოვის სატანკო ბატალიონმა ახალი შევსება მიიღო.

მწყობრში გაკმეული იდგა ურალიდან ჩამოსული სატანკო ათეული. კორობოვმა სათითაოდ შეათვალიერა მებრძოლები, გაუღიმა, გაესაუბრა, გაეხუმრა.

უცერად წარბები შეჭკრა. იგი გაკვირვებით დააკვირდა ერთ ტანკისტს. მეტრე პოლიტხელს მიმართა:

— აი, ნახეთ, ვინ გამოუგზავნიათ, ეგ ბლარტი შეძლებს ჩვენი დიდი საბრძოლო დავალების შესრულებას?

მის წინ ოცდამეათი წლის ყმაწვილი, მომცრო ტანის, სუსტი აგებულების, ბავშვური სახისა და გულუბრყვილო გამომეტყველების ტანკისტი იდგა.

— თქვენი გვარის — მკაცრად მიმართა ბატალიონის მეთაურმა.

— გვარდინის უფროსი სერჟანტი დანელია! — იყო მკვიტცხლი პასუხი.

— გაგზავნეთ უკან! — ბრძანა მაიორმა.

დაწუნებულ ტანკისტს სახე მოღვრიცა, ყელში ბოღმა მოაწყო და ენა ვერ დასძრა.

თვალეებზე ცრემლი მოადგა.

ბატალიონის პოლიტხელს დუბოვს ღიმილი მოერია.

— ამხანაგო ბატალიონის მეთაურო, — მიმართა მან, — იქნებ ივარგოს.

— გაგზავნეთ უკან! — ცვლავ გაიმერა მაიორმა.

„გაგზავნეთ უკან“... ვაი სირცხვილო. ამის შემდეგ თვალეებს სადღა გაახელ ამირან დანელია? ეს იყო შენი ოცნება? ამისათვის იბრძოდი ფრონტზე სამი წელი? არ სჯობდა იქ, ვორონეჟის ფრონტზე დარჩენილიყავი? ამისათვის ეხვეწებოდი უფროებს სატანკო სასწავლებელში გამგზავნეთო? სატანკო სასწავლებელი ექვსი თვის ნაცვლად სამ თვეში დაამთავრე, ყველაფერში ფრიადი მიიღე, ყველას შეაყვარე თავი... გახსოვს, სუსხიან ზამთარში საგულგოგოზე არ გგზავნიდნენ არც უფროსები, არც მეგობრები: სამხრეთიდან ჩამოსული კაცი ჩვენს უნივერს ვერ გაუძლებსო. იმ რჩეულთა შორის, ვისაც წილად ერგო სატანკო სასწავლებლის დამთავრების შემდეგ ურალიდან ახალი სატანკო კოლონა წაეყვანა უკრაინის პირველ ფრონტზე და მაიორ კორობოვის ბატალიონში ჩაერიცხათ, ამირან დანელიაც მოხვდა. ახლა კი, თვითონ კორობოვი იწუნებს გამოცდილ მებრძოლს — პატარა და სუსტიყო. ბოლოს და ბოლოს, იმ აუღაუუდას, ეგერ, თავში რომ დგას, სიმარდეში მაინც ვაჭობებ, ანდა მის გვერდით რომ დგას, კურატცივით ჩასუქებულია და ძლივს მოძრაობს, იმას ვერ ვაჭობებ? — ამხანაგო ბატალიონის მეთაურო, — ძლივს ამოიღო ხმა ამირანმა, — გთხოვთ დამტოვოთ, ნუ გამაბრუნებთ უკან...

კორობოვი შეჩერდა. ჩაფიქრდა.

— მძიმე ბრძოლები მოგველის... — თქვა მან.

— ბრძოლებისა არ მეშინია, — მოუჭრა ამირანმა.

— დარჩეს, ამხანაგო მაიორო, ჩემთან ჩავრიცხავ ეკიპაჟში — თქვა უმცროსმა ლეიტენანტმა ზაბაგამ.

— თანახმა ვარ! — წამოიძახა დანელიამ.

ირგვლივ ხარხარი ატყდა.

— დარჩეს, — სიცილით თქვა შტაბის უფროსმა ზაიცევამ, მერე ამირანს მიუბრუნდა, — ოღონდ ოცი შიტლერელი შენს ანგარიშზე იქნება.

— არის ოცი შიტლერელი ჩემს ანგარიშზე! — მიუგო ამირანმა და შევებით ამოსისუნთქა.

* * *

დადგა 1945 წლის იანვარი. დედამიწა თოვლს დაეფარა. სიცივე ძვალრბილში ატანდა.

ეკიპაჟის მეთაურმა ზაბაგამ საბრძოლო დავალება მიიღო, ეკიპაჟს გაცნო იგი და აუხსნა მისი მნიშვნელობა. მერე ამირანს მხარზე დაჭკრა ხელი, თვალი ჩაუჭრა და გაუღიმა.

— აბა, დანელია, არ შემარცხვინო, ჩვენს ვუკაცობაზეა დამოკიდებული ჩვენი ბატალიონის ბედი: გავიმარჯვებთ — გზას გავუხსნით ჩვენს ნაწილს, დავმარცხდებით და — ჩაიშლება ყველაფერი...

იმ დღეს სამი ტანკი დაიძრა ბატალიონიდან. თითოეულ ტანკში ხუთი კაცი იჯდა, ყველას თავისი საქმე ჰქონდა დაკისრებული. ოღონდ სამივე ტანკის ეკიპაჟს ერთი საბრძოლო დავალება უნდა შეესრულებინა: გაერღვიათ მოწინავე პოზიციები და დაეფერათ მტრის განლაგება.

დავალეება მეტად ძნელი, რთული და პასუხსაგები იყო.

ტანკები დაიძრნენ. წინ გაიჭრა ზაბაგას ტანკი, რომლის რადისტის და მეტყვიამფრქვევე ამირან დანელია იყო.

* * *

საბჭოთა ტანკები გორაკს ეფარებოდნენ, ხევ-ხევ მიიწევდნენ წინ. და როცა ხევი აათავეს, მთელი სისწრაფით შეიჭრნენ მოწინააღმდეგის განლაგებაში, სადაც მტრის ხუთი ტანკი და მოიერიშე ქვეშეხები იყო საბრძოლოდ გამზადებული.

— ბიჭებო, წინი — დაიძახა ზაბაგამ, — ცეცხლი ფაშისტებს!

მტერიც დაიძრა. მაგრამ ვიდრე ცეცხლს გახსნიდა, დაიჭუბა ჩვენი ტანკის ქვეშეხმა. პირველივე ჭურვი მიზანს მოხვდა. სვასტიკიანი ტანკი შეტორტმანდა, მეთაურის ჯინურში ალი ავარდა. აღმოდებული ტანკიდან ფაშისტები ამოძვრნენ, მაგრამ ამირან დანელიამ ტყვიამფრქვევის ჭერით ყველანი იქვე მიაწვინა.

— ეს იმ ოცის ანგარიშზეა, ამხანაგო მეთაურო! — დასუყვილა ამირანმა.

— ყოჩაღ, ჭარბველო! — შესძახა ზაბაგამ, — ზუსტი თვალი გქონია.

მტერმაც დაიწყო სროლა, ერთი ჩვენი ტანკი ცეცხლის ალში გაეხვია.

ჩვენმა ქვეშეხებმა მტრის კიდევ ორ ტანკს შეუღულწეს ფერდები.

— ახლა ორი ორზე ვართ, წინი — დაიძახა ზაბაგამ.

მძლოლმა ტანკი წინ გააქანა. მას აედევნა ჩვენი მეორე ტანკიც, მაგრამ მტრის ყუმბარა მიზანში მოხვდა და აფეთქდა.

— ბიჭებო, წინი — თავგანწირვით იძახის ზაბაგა და ქვეშეხს უშენს მტრის ტანკს.

— წინი — იძახის ამირანიც და ტყვიამფრქვევის ცეცხლით ცეცხლს ფაშისტებს.

უცებ ტანკი ძლიერმა დარტყმამ შეაზანწარა, მტრის ყუმბარამ ჭავშანი გაუხვრიტა და ცეცხლი გაუჩინა.

— ამხანაგო მეთაურო, ბიჭებო, ამოხტით ტანკიდან! — დაიყვირა ამირანმა.

— დანელია! ტანკს უშველი, დავალეება შეასრული! — მიღეული ხმით ძლივს გასაგონად უბრძანა ზაბაგამ.

ამირანი მასთან მიიჭრა. იგი სისხლისგან იცლებოდა. მხრებში სწვდა. ვერ ასწია.

— ბიჭებო, მიშველით! — იყვირა.

ხმა არავინ გასცა. ტანკში აღამიანის ხმა არ ისმოდა.

— დანელია, ტანკს უშველი, — ჩაიჩურჩულა ზაბაგამ და თავი ჩამოუვარდა.

ალი ძლიერდებოდა. ამირანმა ჭურჭი გაიხადა და ხანძარს ეცა. შორიხლო გერმანელები აყაყანდნენ.

— სდავისია, რუს!

— ვერ მოგართვით, ძაღლიშვილებო! — დასუყვილა სერჟანტმა და ტყვიამფრქვევი გამართა. მერე ისევ ხანძარს ეკვეთა, ოფლში გაწურული, დალლას არ გრძნობდა. რა დროს დადღა, ხანძარი რომ გაძლიერდეს, ტანკში მოთავსებული ჭურვები და ტყვები აფეთქდება და მათინ ყველაფერი დაიღუპება.

ტანკიდან სროლა რომ შეწყდა, გერმანელებმა იფიქრეს ტანკში ცოცხალი აღარავინ არისო, წამოდგნენ და სირბილით წამოვიდნენ ტანკისკენ.

ამირანმა ტანკიდან ტყვიამფრქვევი ამოათრია და ღია პოზიციიდან დაუწყო სროლა ფაშისტებს. გრძელი ჭერებით მოცელა მტრის წინა რიგები, სხვებმა პირი იბრუნეს, თავს უშველეს.

ამირანი ისევ ტანკს მიუბრუნდა და ხანძრის ჩაქრობა განაგრძო. ჭურჭი ცეცხლმოდებულ ადგილს დაეფარა.

როგორც იქნა, ხანძარი ჩაქრო.

მერე ზაბაგას ეცა. იგი ტანკში დამწვარიყო. ფრთხილად მოჰკიდა ხელი, ლუკი გახსნა და მეგობრის ნეშტი დაბლა ჩაუშვა.

ქართული ენათმეცნიერების პრაქტიკული საკითხები

1. ჯართი თუ ნამსხვრევი?

ხშირად ხდება ხოლმე, რომ საკუთარი სიტყვის ნაცვლად სხვისას ვხმარობთ, თუმცა საამისოდ არავითარი აუცილებლობა არ არის. აბა უცნაური როგორ არ არის, რომ ქართული სარკმელი მიგვიტოვებია და სპარსულ ფანჯარას ვხმარობთ? ან ქართული ცალი დაგვივიწყებია და რუსულის გზით შემოსულ ლათინურ ეგზემპლარს ვხმარობთ. და ბევრი სხვა ამის მსგავსი. მეტისმეტი პურისტობა არ ვარგა, მაგრამ არც ის ვარგა, რომ ენა აივსოს უცხო სიტყვებით და სათანადო ქართული დავიწყებას მიეცეს.

უკანასკნელი ნახევარი საუკუნის ქართულში (უფრო ზედმიწევნით რომ ვთქვათ, ქართულ ტექნიკურ ლიტერატურაში) ფეხი მოიკიდა ქართმა, რომელიც „ნამსხვრევის“ მნიშვნელობით იხმარება. ეს სიტყვა არ იცის არც სულხან-საბა ორბელიანის ლექსიკონმა, არც ჩუბინაშვილებისამ, არც რ. მეკელიანი-სამ (1928). სხვათა შორის, დ. ჩუბინაშვილი რუს. ЛОМ-ის ასე თარგმნის: ნამტვრევი, ნამსხვრევი. როდის გაჩნდა პირველად ქართულ ლექსიკონში, ამჟამად ვერ ვეტყვით, მაგრამ ტექნიკური ტერმინოლოგიის ლექსიკონში, რომლის რუსულ-ქართული ნაწილი 1957 წელს გამოვიდა, იგი უკვე მოყვანილია რუს. ЛОМ-ის შესატყვისად.

ქართი სომხური სიტყვაა და ალბათ თბილისელ სომეხთა მეტყველებიდან არის შემოსული ქართულში. ქართულ სომხურად დამსხვრევას ნიშნავს (იწერება ქარდელ, გამოითქმის ქართელ), ქართ კი — ნამსხვრევს (იწერება ქარდ, გამოითქმის ქართ).

გვაქვს სხვა სიტყვებიც, რომლებიც ნამსხვრევის მსგავსად არის ნაწარმოები და მისი სინონიმებია: ნამტვრევი, ნალწი, ნატეხი. ყველა მათ ტექნიკურ ენაზე შეიძლება განსხვავებული მნიშვნელობა მიეცეს, ნამსხვრევი კი (მრ. ნამსხვრევები) ЛОМ-ის ქართულ ფარდად გამოვიყენოთ.

2. დაზარალებული თუ დაზარალებული?

ზარალი არაბული სიტყვაა და ქონების დანაკლისს აღნიშნავს, ე. ი. იმას, რასაც რუსული ЧУЖИТОК, УЩЕРБ. ვთქვათ, ნათესაში ხარი შევიდა და მოძოვა. ეს არის ზარალი, რომელიც ხარმა მიაყენა ნათესის პატრონს, რომელსაც უფლება აქვს, თუ ხარი სხვისი იყო, ანაზღაურება („წანახედი“) მოსთხოვოს ხარის პატრონს. ვთქვათ, ცეცხლი გაუჩნდა ბელესს და დაიწვა. ეს არის ზარალი, რომელიც ბელესის პატრონს მოუვიდა. ან კიდევ ეს: აღიდებულმა მდინარემ წყლის პირას მდებარე ბაღის ნაწილი მოგლიჯა და წაიღო, ესეც ზარალია ბაღის პატრონისთვის.

ზარალ სიტყვისაგან ნაწარმოებია ზმნა დაზარალება და მისი მიმღებია დაზარალებული, რომელთაც ხშირად ხმარობენ დაზავება და დაზავებულის ნაცვლად. აი ორიოდ მაგალითი ვაზეთებიდან:

ა) „შოფერმა ქ. ქველაძეს და ი. ნათბელაძეს მოსკვიჩი დააჯახა. დაზარალებულები საავადმყოფოში მოათავსეს“.

ბ) ბუენოს-აირესში ჭადრაკის „მე-ნ პარტიის გათამაშებისას დარბაზში გაზის კოჭები შეაგდეს. დაზარალებულმა მხოლოდ თარჯიმანი ქალი, რომელმაც ხელის დამწვრობა მიიღო“¹.

გ) „ვოლგა ქალს დაეჯახა, შოფერმა დაზარალებული მანქანაში ჩაისვა და მოკურცხლა“.

დ) „ხელიგანმა იძრო დანა და ჭერ ჯ. კაპანაძეს, შემდეგ კი რ. ირემაშვილს ჩაარტყა მუცლის არეში. საბედნიეროდ, კრილობები ღრმა არ აღმოჩნდა, ექიმის დახმარებით დაზარალებულები სრულიად გაჯანსაღებულნი დაუბრუნდნენ სამუშაოს“.

ყველა ამ შემთხვევაში, რა თქმა უნდა, ქონებრი-

¹ ამის ნაცვლად აჯობებდა ასე დავწერათ: რომელსაც ხელი დაეწვა.

ვი დაზარალებაც არის, მაგრამ ასეთ მოქმედებას თავისი ზმნა და მიმღებობა აქვს: დაზავება და დაზავებული; დაზავდა თარჯიმანი ქალი, დაზავებული მანქანაში ჩაისვა და მისთანები.

3. რენტაბელობა თუ რენტაბლობა?

უცხო სიტყვები რომ შემოდის ჩვენში, მათ თანდათან ქართული იერი ეღებოდა, ისინი ქართული ენის საერთო წესებს ემორჩილებიან. ერთი ასეთი წესია სიტყვის შეკუმშვა. მაგალითად: შოფერი რომ შემოვიდა ჩვენში, ეს ახალი სიტყვაც დაემორჩილა შეკუმშვის წესებს და ვამბობთ: შოფრობა ისწავლაო, შოფრის მოვალეობაო, შოფრები შეიკრიბნენო და სხვა. მაგრამ ჭერ კიდევ რენტაბელობას ამბობენ (ერთი სავაზეთო წერილის სათაურია: „სამეურნეო ანგარიში და რენტაბელობა“), მიუხედავად იმისა, რომ გვაქვს მასწავლებლობა, მეზობლობა, პასუხისმგებლობა და სხვა, რაც გვიკარნახებს, რომ უნდა ვთქვათ და ვწეროთ: რენტაბლობა და რენტაბლობური. „ტრანსპორტაბელობური“ „ადვილად გადასაზიდი“ არის, მაგრამ, თუ მაინცადამაინც უცხო სიტყვას ვიხმარებთ, ტრანსპორტაბელობური უნდა ვთქვათ და ვწეროთ.

2 შოფრის ნაცვლად სპარსელი ქართველები შამწყრომს ამბობენ.

* * *

რამდამცინისაბან: ა. შანიძის წერილში „დამხედ“ ქართლის მატანეში“, („დროშა“, 1972, № 8, გვ. 9) მკორე სვეტში, სტრ. 14, დაბეჭდილია „კავშირის“, უნდა: „კავშირის“; სტრ. 17. „უეჭველი არ უნდა იყოს“, უნდა: „უეჭველი უნდა იყოს“.

— სდავისია, რუსი — გაისმა ისევ გერმანელების ხმა. ამირანმა ოფლი მოიწმინდა, საჭეს ხელები ჩასჭიდა და ტანკი პირდაპირ მტრისკენ გააქანა. გერმანელები თავქუდმოგლეჯით გაიქცნენ. გამძვინვარებული ამირანი დაედევნა. მტრის განლაგებაში შეიჭრა, მოსპო ორივე ტანკი და გაანადგურა სამი მოიერიშე ქვემეხი.

* * *

რადისტი ამაოდ ეძახდა ზაბაგას ეკიპაჟს. კავშირი დიდი ხნის წინათ გაწყდა. დედავდა ბატალიონის მეთაური კორობოვი. ადგილზე ვერ ჩერდებოდა, ბოლთას სცემდა.

— ნამდვილად დაილუპენი — თქვა კორობოვმა. — ახალი სადავედროვო ჩგუფი უნდა გაიგზავნოს, დავალება აუცილებლად უნდა შესრულდეს.

ტანკისტები ფეხზე წამოდგნენ. ყველა მზად იყო ამ დიდმნიშვნელოვანი ამოცანის შესასრულებლად.

უცებ მიწურში მორიგე შემოვარდა.

— ამხანაგო ბატალიონის მეთაურო, ტანკის ხმა მოისმის! ყველანი გარეთ გაიჭრნენ.

„ნუთუ გერმანელები წამოვიდნენ შეტევაზე“, — გაიფიქრა კორობოვმა.

— არც ერთი ნაბიჯი უკან! — გასცა ბრძანება კორობოვმა, — მოემზადეთ მტერთან საბრძოლველად.

წინ თოვლიანი გორაკი იყო. გორაკს გადაღმიდან ტანკის გუგუნე ისმოდა... გუგუნე თანდათან ახლოვდებოდა.

„ნუთუ ერთი ტანკით მოდიან“, — დატევიდა კორობოვი.

ტანკმა ცხვირი ამოჰყო გორაკზე, მერე მთლიანად ამობოლდა და ბატალიონისაკენ დაიძრა...

ბატალიონმა ერთხმად შესძახა „ვგა“ და ტანკისკენ გაიჭრა.

ტანკს ცხვირზე ხუთქიმიანი ვარსკვლავი ენახა.

— ყოჩაღ, ზაბაგა! — დაიძახა კორობოვმა.

ტანკიდან კი ტანმორჩილი, სუსტი და ფერმილეული ტანკისტი ამოცოცდა, თოვლზე ჩამოხტა, ტანისამოსი შეისწორა და ბატალიონის მეთაურისკენ გამოემართა.

— ამხანაგო ბატალიონის მეთაურო, პატაკს გაბარებს გვარდიის უფროსი სერჟანტი დანელია, საბრძოლო დავალება შესრულებულია. ეკიპაჟი დაილუპა მტერთან უთანასწორო ბრძოლაში.

კორობოვმა სიტყვის თქმა არ აცალა, მივარდა, ხელში აიტაცა, გულში ჩაიკრა, და უცებ შენიშნა, რომ ტანკისტი მძიმედ იყო დაჭრილი.

ამირან დანელია უგონოდ დაეცა. ირგვლივ სანიტრები შემოეხვივნენ.

ცოტა ხნის შემდეგ ამირანმა თვალები გაახილა.

უეცრად ბატალიონის მეთაურის ხმა მოესმა:

— დანელია გაგზავნეთ მოსპიტალში, ტანკი კი ჩააბარეთ სარემონტო პუნქტს!

ამირან დანელიამ თავს ძალა დაატანა და ფეხზე წამოდგა:

— ამხანაგო მაიორო, ნება მომეცით ტანკი მე მივიყვანო ადგილზე.

კორობოვმა მზურვალედ ჩამოართვა ხელი.

— მიიყვანეთ!

...რამდენიმე ხნის შემდეგ ამირან დანელიას მკერდზე საბჭოთა კავშირის

გმირის ვარსკვლავი აკაფდა.



ალექსანდრე ბარამიძე

გამოჩენილ ქართველ მეცნიერს, აკად. ალექსანდრე ბარამიძეს დაბადების 70 წელი შეუსრულდა. ნახევარი საუკუნეა, რაც სახელოვანი მეცნიერი ერთგულად ემსახურება ქართველი ხალხის სულიერი კულტურის შესწავლისა და გამომწვეურების საქმეს.

ალ. ბარამიძემ დიდი ღვაწლი და ამაგი დასდო ჩვენს კულტურას, მან ქართული ლიტერატურის ისტორიის არაერთ, მანამდე შეუსწავლელ საკითხს ნათელი მოჰფინა.

„დროშის“ რედაქცია მხურვალედ ულოცავს ღვაწლმოსილ მეცნიერს ამ საიუბილეო თარიღს და უსურვებს ახალ წარმატებებს ჩვენი ხალხის, ჩვენი კულტურის საკეთილდღეოდ.

ალექსანდრე ბარამიძე ტრიბუნაზე

ხარკოვის ქუჩაზე. (ქართული ლიტერატურის დეკადა უკრაინაში, 1969 წ.).




სოფ. ჭუნჭუათი (ლანჩხუთის რაიონი), ბიბლიოთეკის გახსნაზე.



უცხოეთთან კულტურული კავშირის საზოგადოების სხდომაზე.

წიწამური, ილია ჭავჭავაძის ობელისკთან.

პაპა და შვილიშვილი.



ფ ა უ ს გ ი

ფრაგმენტები

რ ა ფ ა ე ლ ი

მზე ნაწად გალობს კვლავ ძველებურად
სფეროთა შორის სიმღერით ტკბილით,
წინასწარ დათქმულ გზასა სრბოლისას,
ასრულებს იგი ჰეჰა-ქუხილით.
შეხედვა-მისი ანგელოზთ ძალას
აძლევეს მარადულ გუშაგებს ცისას,
ტურფა არიან შენაქმენი შენნი,
ვითა პირველსა დღეს გაჩენისას.

გ ა ბ რ ი ე ლ ი

სწრაფად და თვალის მიუტანებლად
რბის და ტრიალებს მიწის სიამე.
სამოთხისებურ სინათლეს მზისას
სცვლის და თან მოსდევს უტეხი ღამე.
ზღვა ბორგავს, როკავს ქაფმორეული,
ველარ ეტევა ნაპირთა რკალში,
და კლდე-ნაპირიც, ზღვაც შორეული
ირევა სფეროთ ორომტრიალში.

მ ი ქ ა ე ლ ი

ზღვიდან ხმელისკენ, ხმელიდან ზღვისკენ
შეჭიბრებულნი ნაკადნი ჰრბიან
და განუწყვეტელ უღელტეხილად
გასაოცარსა გავლენას ჰქმნიან.
ელავს უდაბნოს ცეცხლის მაგვარად
გზა სარბიელზე ცეცხლნაკადული,
შიკრიკთა შენთა მარად უქიათ,
შენ ტკბილთა დღეთა მწყობრი ფერხული.

ს ა მ ი ვ ე ე რ თ ა დ

შეხედვით აძლევ ანგელოზთ ძალას,
ვერვინ ჩაგწვდება მეუფეს ცისას.
ტურფა არიან შენაქმენი შენნი,
ვითა პირველსა დღეს გაჩენისას.

მ ე ფ ი ს ტ ო ფ ე ლ ი

რადგან, უფალო, კიდევ ერთხელ მოგვიბატოეთ
და გვეკითხებით ავსა და კარგს ჩვენს მეუფებას,
თქვენ ხომ უწინაც სიხარულით შემოგვხვდებოდით,
ახლაც ვამშვენებ ამ შიკრიკთა უზადო კრებას.
(კიდევაც მასხრად რომ ამიგდოს კრებულმა სრულმა)
უკაცრავად ვარ, ბრტყელ სიტყვებს თუ არ ვარ ჩვეული,
ჩემი პათოსი შენ სიცილად არ გეყოფოდა,
დიდი ხნით სიცილს რომ არ იყო გადაჩვეული.
მე ვერ გაიმბობ მზე და მიწა ვით ტრიალებენ,
მე ვხედავ მხოლოდ მიწის შვილნი თუ ვით წვალობენ.
პატარა ღმერთი სამყაროსი არ გამოცვლილა
საოცარია ვით გაჩენის პირველსავე დღესას.
და მე მგონია უკეთესიც კი იქნებოდა,
მას ცის სინათლე თუნდ აროდეს მინიჭებოდა.
იგი გონებას ეძახის მას, გონების კვეთი
მისთვის სჭირდება, რათა შეიქმნეს
ყოველ პირუტყვზე უპირუტყვესი.
კაცი მაგონებს (თუ თქვენ დამრთავთ ამისა ნებას)
გრძელ ფეხებიან ფრთაფარფატა კრიჭინობელას,
მალა ბალახში რომ მიმოხტის მოუსვენარად;
და არამკითხეს მუდამ მფარავს ბალახი ხშირი,
ყოველ ნაგავში უნდა ჩაბყოს უცილოდ ცხვირი.

უ ფ ა ლ ი

ნუთუ სათქმელი აღარა გაქვს ჩემთვის სხვაგვარი?
შენ მუდამ მზად გაქვს ჩემთვის არა და საჩივარი.
ნუთუ ამდენ ხანს თავს ვერა გრძნობ უკეთ მიწაზე?

მ ე ფ ი ს ტ ო ფ ე ლ ი

აქ მუდამ ცუდად ვგრძნობდი მე თავს, უფალო ჩვენო!
არ შემძლია დღესაც ასე არ მოგახსენო.
კაცის ცხოვრება ძველებურად რბის უფერულად,
მე თვით არ ძალმიძის ის ვიწამო კვლავინდებურად.

უ ფ ა ლ ი

იციობ შენ ფაუსტს?

მ ე ფ ი ს ტ ო ფ ე ლ ი

დოქტორ ფაუსტს?

უ ფ ა ლ ი

დიახ, ჩემს მსახურს...

მ ე ფ ი ს ტ ო ფ ე ლ ი

თავისებურად გიწევს იგი თქვენცა სამსახურს.
და ამ შლიგისა სულის საზრდო, გეტყვი, უფალო,
არის სავსებით ზეკაცური, ზეჰევენიური.
ის სანახევროდ თვითვე თუ გრძნობს სიგიჟეს თვისას,
მას უცხო მხარეს მოუწოდებს ღტოლვა გიჟური.
ცისგან მოითხოვს ის უტურფეს ვარსკვლავთა წყებას
და მიწისაგან ყოველივე უადრეს ვნებას.
ვერცა ქვესკნელი, ვერცა ზესკნელი
ვერ დაამშვიდებს მის გულის ნებას.

უ ფ ა ლ ი

თუ დასდგომია იგი მართლაც შეცდომის გზასა,
ნათელი ჩემი მას საცაა შუქს მიაყენებს,
იცის მებაღემ მომავალ წელთ ვით დაამშვენებს,
როცა ყვავილი გამოესხმით ბაღის ნამყენებს.

მ ე ფ ი ს ტ ო

სანაძლეოსა რას მიბრძანებთ, რომ გადავიბირო,
მსახური თქვენი დავაყენო შეცდომის გზაზე,
ნებას თუ მომცემთ ვარონინო ჩემსა ნებაზე.

უ ფ ა ლ ი

ვიდრემდის იგი სასუფეველს აღარ ეწევა,
შენ ყოველგვარი გამოცდისა ნება გეძლევა.
ცოცხალსა კაცსა შეცდომა სდევს, თუნდაც გოლიათს,
კაცთა შეცდომა ბუნებითვე თან დაბჟოლიათ.

მ ე ფ ი ს ტ ო

მადლობას ვწირავ თქვენს მეუფებას;
მკვდრებთან არასდროს არ ვცდილობდი გადაკიდებას.
მუდამ მიყვარდა ცოცხალ არსთა ძოწის დაწვები.
ვიტყვი: შინ არ ვარ, თუ მეწვიენ ოდესმე მკვდრები.

უ ფ ა ლ ი

გეძლევა ნება სული იგი გზას ააცდინო.
შენ სარბიელზე შენს ნებაზე ის არონინო.
შეგრცხვეს კი მაშინ შენმა ხერხმა თუკი გიმტყუნოს,
ამ მაგალითმა თუნდ ერთხელაც თუ დაგარწმუნოს,
თუნდ წყვედიადშიაც რომ დაიბნას ალაღმართალი,
მან ჰეშმარითი არ დაბკარგოს თვისი გზაკვალნი.

მ ე ფ ი ს ტ ო

ვნახოთ თუ მალე გამარჯვების ნიშნი მოგიგოთ.
თუ მივალწი მე მიზანსა დღესვე განზრახულს,
ნუ გეწვინებათ, თუ გავმართავ ტრიუმფს არნახულს,
მტვერსა და მიწას თუ შევაქმევ მიწაზე მავალს
ვით ჩემ ნათლიას სახელგანთქმულ გველს, ჰვეწარმავალს.

უ ფ ა ლ ი

შენ შეგეძლება ძველებურად გამომეცხადო
შენი მოძმენი მე აროდეს არ მძულეობია.
უარისმყოფელ სულთა შორის, შენც კარგად იცი,
ეშმაკისათვის მცირე რისხვა მირგუნებია.
კაცთ ენერგია ფრად სწრაფად მოდუნდებოდა,
(მათ ძლიერ უყვართ განსვენება და მუუდრო ბინა)
მათ ნამოქმედარს ფხა აროდეს არ ექნებოდა,
მე რომ ეშმაკი თანამგზავრად არ მიმეჩინა.

(ან გ ე ლ ო ზ ე ბ ი ს ა დ მ ი ნ ა თ ქ ე ა მ ი):


თქვენ კი, ნამდვილნო ზეცისა შვილნო,
იარეთ კვლავაც გარდუვალის სიტკობმშვენებით.
მომავლის საქმეს ესაძირკვლეთ ღვთიურის ნებით.
მარადულ ყოფამ აღიტაცოს აწც თქვენი გული,
და რაც მერყევად მოკიაფე მოვლენად მოსჩანს,
მას განამტკიცებს ფიქრი თქვენი მარადუაშული.

მ ე ფ ი ს ტ ო (მარტო, ცისაკენ ხელმბაპურობილი).

ამ ბებრის ნახვა მეც ხანდახან მომენატრება,
ვშიშობ კიდევაც რომ ვაგლახად არ დამეუბროს,
მოსაწონია, როს ძლიერი უფალი ცათა
ჩემებრ მწირ ეშმაკს კაცურ ენით გაეხაუბროს.

გ ა ზ ა უ ხ ე დ ი

ფოტო მ. დათიკაშვილისა.






ნ ა ნ ა.



ავთანდილის სიმღრა.



ქალშვილის პორტრეტი.



სოფელი დართლო.

ხევსურეთი.

ვლადიმერ კანდელაკი

შარშან გამოცემულმა „მერანის“ თარსობით მოეწეო ვლადიმერ კანდელაკის ნაწარმოებთა პირველი პერსონალური გამოფენა. რომელსაც ნაოლად უჩვენა ზენეს მფურებელს ახალგაზრდა მხატვრის მიერ გაკეთებული დაწვებული სახმატეო სასწავლებელსა და აკადემიაში სწავლის დროინდელი ფერწერული თუ გრაფიკული ნაწარმოებებიდან სულ ბოლოდროინდელ ქმნილებებამდე.

ვლადიმერ ანდროსძე კანდელაკი დაიბადა თბილისში, 1913 წელს. 1934 წელს, გერ ისევ სტუდენტობის წლებში, იგი მონაწილეობას იღებს სახმატეო-გალერეებში მიწოდებულ „სავაზაბულო გამოფენებში“, სადაც წარმოდგენილი იყო მისი ნამუშევრები: „სახურავები“, „ქურბობი“, „ნატურმორტი“. 1939 წელს ვლ. კანდელაკმა დაამთავრა სახმატეო აკადემიის ფერწერის ფაკულტეტი (პროფ. ა. ქუთათელაძის კლასი) სადილოში ნამუშევრი „მოსავლის ზეიმი“.

პეიზაჟებისათვის ხედვის წერტილის მარჯვედ შერჩევის. მათი უჩვეული რაკურსებში დანახვისა და მხატვრულად აღქმის უნარი. სწრაფვა მონუმენტური ფერწერისაკენ. ფერთა რბილი გაღასკლება. ნახტოს გრაფიკული სიმკვეთრე და რაც მთავარია, თანამედროვეობისა და სამშობლოს სიყვარულით გამჭვადული მრავალსიფეტური ანორაჟა-კომპოზიციები — აი, რა ახასიათებს ვლ. კანდელაკის შემოქმედებას.

აკ ვაქვეუბებე მისი ნაწარმოებების რამდენიმე რეპროდუქციას.

მოსავლის დღესასწაული



მთიარუსთაველი.



ბესიკის საფლავის ქვა

მე-18 საუკუნის გამოჩენილი ქართველი პოეტის ბესარიონ გაბაშვილის საფლავის ქვის ეს ფოტოსურათი რედაქციას გადმოსცა ცნობილმა ურუნალისტმა ანტონ კელენჯერიძემ, რომელმაც იგი რუმინეთიდან ქ. იასიდან ჩამოიტანა.

უფრო ადრე ამ საფლავის ქვაზე მკითხველს პირველი ცნობები მიაწოდეს აკადემიკოსებმა ნიკო ბერძენიშვილმა და გიორგი ლეონიძემ.

საფლავის ქვაზე, ქართული წარწერის თავზე გაკეთებულია ბერძნული წარწერა. მისი თარგმანი მოგვყავს ვ. მაქარაძის წიგნიდან „ბესიკი დიპლომატიურ სარბიელზე“.

„თითქოს სამარიდან თქმული.

მფარავ კაცს არა უბრალოს (ჩვეულბერძვს) და ქვასთან შეუთავსებელს. გვარტომობით იბერიელს და წარმოშობით წარჩინებულს. კაშკაშა ვარსკვლავის (სადარს) ზაქარიას ძე ბესარიონს. უღირსეულესს ბუნებით, ელჩობით წარმოგზავნილს კოლხეთიდან მეფის კარზე. მაშინ მიუზლო ვალი უფალს სახელოვანმა. რომელმაც იცოცხლა აღსასრულამდე ორმოცი წელი. ...ადესრულა ღვთის შობიდან 1791 წ. იანვრის 24“.

საფლავის ქვა დაცულია ქ. იასის ლაპიდარიუმში.

საფლავის ქვასთან, მინა ბეჭდით არს
თუჯარ ბესარიონ ზახარის ძე რომან
გაბაშვილი, რომელიც წარმოგზავნილი
ყო, იბრია, ჭიჭისა, დავითისა და სხვა
რუსეთისა, დიდებულთა, სამოქალაქო
პარისადი დამოკვეთა ამა იასს, მას, ა
წელსა - 1791 - იანვრისა 24-ს
მხოლოდთაგან უწოდების მხოლოდთაგან



ვიცოდრი, რომ მოხვიდოდრი...

მთხრობა

მხატვარი დ. პარისთავი

ძმომ ვანო გახსოვს მატარებლით ერთად რომ ვიმგზავრეთ? საუბარი სიყვარულზე ჩამოვარდა. შენ ავადებულად ჩაიქნიე ხელი, წმინდა სიყვარული არ არსებობს, ქალის გული მარტის დღესავით ცვალებადიაო. შიოც ქირქილით აგყვა: ქალს ქმარი რომ მოუყვდება, ვაიმე და სხვაიმეო. სხვებმაც ბანი მოგცეს. მხოლოდ მე გავდექი განზე და თქვენი აზრის თუ უაზრობის გასაბათილებლად თოთოშა წიგნაძის ამბავი წამოვიწყე. თქვენ პირზე სიტყვა შემატახეთ, აქილიკდით, ახითხილით, მერე ცოტა არ იყოს, მეც გავბრაზდი და სათქმელს თავი ვეღარ მოვაბი.

ახლა ვწივარ და გწერ თოთოშას ამბავს. თუ რამემ დაგაეჭვოს, მოდი და იკითხე, ჩემს ქუჩაზე ყველამ იცის თოთოშა...

ის იყო ვახშმად დავსხედით, ქუჩიდან ჯერ შევივლება შემოგვესმა, შემდეგ რაღაც არაღამიანური დამუილიც გავიგონეთ. პირში ლუკმა შეგვაცივდა, წამოვიშალეთ და ყველანი გარეთ გავცვივდით. დედაჩემი მომიბრუნდა ქუჩაში და გაჭავრებით დამიცაცხანა: შედი შინ, სუფრას მიხედე, აქ შენ არა გესაქმება რაო.

შინ როგორ შევიდოდი? ხმაურმა და ჩოქოლმა თოთოშას ბინაში მიგვიყვანა. საბრალო ქალი ცეცხლმოკიდებულივით ბორგავდა, წრიალებდა, თავში ხელებს იცემდა, კუნაპეტვით შავი თმები ბუწუწუბად ძირს ჩამოქონდა. მის ფეხებთან ერთი ხელისდადება თეთრი ქალაღი ეგდო...

სულ მალე ბლომად მოიყარა ხალხმა თავი. თვალი ყველას ქალადისაკენ გაურბოდა, მაგრამ თითქოს ეშინიათო, ხელს არავინ აკარებდა. ბოლოს ერთი ჯმუხა კაცი დაიხარა, ქალაღი აიღო, კარგახანს წარბშეკმუნული ჩასცქეროდა, მერე თავი გადაიქნია და მიძიმედ ჩაიდაპარაკა:

- საწყალო ფრიდონა!..
- დებეშა უკვე ხელიდან ხელში გადადიოდა.
- აფსუს, რა კაცი დაიღუპა!
- რანაირად დაიღუპაო?
- ვინ იცის!..
- მათაუშეთში მივალ, გეოლოგების დიდი ჯგუფი მიმყავსო, ამას წინათ მოთხრა... — ნწუ, ნწუ!
- ზაი დედასა, რა ბიჭი!
- თოთოშა ხალხს არ უსმენდა, ისევ მოთქვამდა და იმდურებოდა.
- ჰირს გამაგრება უნდა, შვილო. ასე თავსაც მოიკლავ და დაღუპულ საქმესაც ვერაფერს უშველი, — შეხედა ერთმა ხნირმა ქალმა.
- თავი რაღა ოხრად მინდა, მე უბედურსი — გაიფოფრა თოთოშა და ხელები კიდევ მეტი ძალით წაიშინა.
- მეორე დღიდან სულ გამოიცვალა თოთოშა. თითქოს ტირილის რცხენიაო, იჭდა წყნარად, თვალზე ცრემლი ვეღარ დავუნახეთ.
- თავს ინახავს. ცხედარს რომ ჩამოსვენებენ, ტირილი მშინ უფრო დაშვენდება... — უთხრა ბებია დედას.

ცხედარი ჩამოსვენებს. თოთოშა გულზე ხელებდაღუპულ მეუღლეს ისე მშვიდად შეხვდა, თითქოს არაფერი მომხდარიყოს. ერთიც არ წამოუტირია. ხალხი აჩურჩულდა:

- მოტირლები ტირიან, ჰირისუფალი კი სეირს უყურებს!
- ერთი ცრემლი მაინც გადმოგადოს წამლად, რამ გააქვავა ეს შერყენებულო!
- ცრემლი უკვე გადმოგადო ერთხელ და... მორჩა!
- როდის?
- დებეშა რომ მიიღო.
- რატომ ადრე არ მივიდეთ... ში, ში, ში!
- დმერთო, ნუ მიწყენ და შავები როგორ უხდება, შავი ანგელოზია პირდაპირ!
- ვინც მოკვდა, თავსა მოუკვდა... თვარა, მაგას რა უტირის!
- უკვე ეყოლება შეთვალული...
- ვითომ არის ისეთი?
- მათხვეე ყური ცოტახანს: თურმე ფრიდონის სიცოცხლეშიც... აბა!
- უყურე, შენ!

მითქმა-მოთქმამ ფრიდონის დასაფლავების შემდეგ კიდევ უფრო იმატა. თოთოშა ყოველ დღით დაკეტავდა ოთახის კარს, ხელში ორიოდ მიხაკს და იჭერდა და გაუყვებოდა ქუჩას თავდახრილი. შინ მხოლოდ შეხინდებისას ბრუნდებოდა.

- სად გავიწილა მგლოვიარე ქალის ასე ყალიო!
- შინ ვის მიჩერდეს, შვილი არა ჰყავს და ძირი!
- აბა, დადგეს და იხეტილოს ალქაჩივით!
- რა ქნას, სასაფლაოზე დადის, გულს აყოლებს!
- სასაფლაოზე სიარული ყოველდღე არ გამოვიწიო მე!
- როგორ, ვითომ სხვაგან დადის?..
- რა ვიცი, იქნებ ასეც იყოს... ხი, ხი, ხი!
- მაგის გაგებას რა უნდა.. მიყვეთ შორიხლოს და...
- მიხყვენ ერთხელ, მეორედ, მესამედ...
- ერთ საღამოს თოთოშა ბებიაჩემთან მოვიდა, ცალკე ოთახში გაიხმო და კარგახანს ეჩურჩულა.
- რა მინდაო მაგ საცოდავმა?! — ჰკითხა დედა ბებიას, თოთოშა რომ წავიდა.

- შენ რომ შარშან ნაწნავები შეიჭერი, ხომ არ გადაგიღიაო?
- რაო! — ყურს არ დაუჭერა დედა. ბებია გაუმეორა.
- რაში მჭირდებაო? — გაიკვირა დედა.
- სასაფლაოზე რო ვწივარ ხოლმე, ვილაც მუდრეგები ურცხვი თვლით მიყურებენო. დედაბერივით რომ ჩავიცვამ, ჯოხს დავიბჭენ და შენს თეთრ ნაწნავებს გავიკეთებ, გამშორდებიან, აბა, რაღა ჯანაბა ენდომებათო.
- არ ათხოვე? — ჰკითხა დედა.
- იმე! ნაწნავებს დავუკავებდი? — უბასუხა ბებია და მერე თავი გაჭავრებით გადაიქნია: — თფუ, როგორ გაუფუდენენ წინათ ჰირისუფალ ქალს ყველა მოკრძალებით ხვდებოდა, გუას უთმობდენ; სანამ შავებს არ გაიხდიდა, სხვანაირად ვინ შეხედავდა! ახლა კი...

მეორე დღეს ახლო მეზობლებმაც კი ვეღარ იცნეს თოთოშა. თეთრი ნაწნავები მხრებზე გადაეგდო, სახე შეებუდნა, ჯოხი დაეხინა, წელში მოხრილიყო და მიხრწნილი დედაბერივით ნელა-ნელა მილასლასებდა. სამ დღეს ასე მიდი-მოდიოდა სასაფლაოზე, მეოთხე დღიდან კი უთენია მოაკითხა ბებიას და ნაწნავები მოუტანა.

- არ გამოგადგა? — ჰკითხა ბებია.
- გამოდგომით კი გამომადგა, კაცს აღარ გამოუხედავს იქით, მარა... — თოთოშას ენა შეებორკა, ჩანდა, რაღაცის თქმა ეუხერხულებოდა, თუმცა უთქმელობაც უმძიმდა. წუთით დუმილი ჩამოვარდა.
- ვისი გერიდება, შვილო, თქვი რა გაწუხებს, — უთხრა ბებია და მხარზე ხელი მოუთათუნა.
- ფრიდონმა დამიწუნა... — გამოსცრა კბილებში თოთოშამ. დედა და ბებია გაცვივით გადახედეს ერთმანეთს. თოთოშამ თავი დახარა და დარცხვენილივით ჩაილაპარაკა: ასე აღარ მოხვიდე, თორემო...
- ბებია პირჯვარი გადაიწერა. დედაჩემმა კი გაკვირვება არ შეიმჩნია და სერიოზულად ჰკითხა:

- აბა, როგორ მოდიო?
- როგორც დაგტოვეო...
- შავებსაც ნუ ჩიცვამო? — აღარ ეშვებოდა დედა.
- შავები ვიხდებაო... — თოთოშა გაჩუმდა, ყელში მოხეჩნილი ცრემლები გადაუღება და განაგრძო: — მაგრამ ბებრულად ჩაცმული აღარ ვნახო, თორემ რაც არ უნდა იტირო და ითავცემო, მაინც აღარ გამოვიჩნდებო...
- წასვლისას თოთოშამ მე გადმომხედა და მერე დედას სთხოვა: ეს ბიჭი გამაყოლით სასაფლაოზე ხანდახან, იფიქრებენ შვილი ჰყოლიაო, მოერიდებათ და აღარ შემაწუხებენო.



მეორე დღესვე გამაყოფის. სასაფლაოზე რომ შევედით, თოთოშამ ფეხს მოუჩქარა, ძლივს ვეწეოდი სირბილით. ერთ საფლავთან შეჩერდა, ქვაზე ჩამოჯდა და მიხაკები ისე დაიჭირა ხელში, თითქოს ეს-ეს არის ვიღაცას უნდა მიართვასო. წამდაუწუმ საათს დასჩერებოდა და სახე ნერვიულად უთრთოდა. თითქოს გვიანდა გავახსენდით, უცებ მომიბრუნდა და მითხრა, წადი გაითამაშე-გამოითამაშე, ხევისკენ ჩიტის ბუდეები ეძიე, მე თვითონ დაგიძახებ, როცა დაშვებები. გავიქეცი, მაგრამ სულ მალე, შემოვბრუნდი, ცნობისმოყვარეობამ წამძლია. ბურჩებს ამოვეფარე, ფრიდონის საფლავს მუცელზე ხოხვით მივეხატე. თოთოშა კვლავაც საათს დაჰყურებდა.

— ესეც თორმეტი! — შესძახა უეცრად და წამოდგა: — უკვე თორმეტი, გამოდი, ფრიდონ! ჰე, მალე, თვალებს რომ გავახელ, ჩემს წინ უნდა იდგებიცოლ!

თოთოშამ თვალები დახუჭა, ერთხანს გარინდებული იდგა, მერე ვითომ ფეხის ხმა მოესმაო, თავი შეარხია, თვალები ნელა-ნელა გაახილა და... სიხარულით სახე გაებადრა.

— ვიცოდი, რომ მოხვიდოდი, ფრიდონ! — თქვა სიცილით და თითქოს მართლაც ქმარს ეალერსებო, ჰაერში ორივე ხელი ააფოთარა. მიხაკები საფლავზე მიმოიფანტა. თოთოშამ მიხაკებს ყურადღება არ მიაქცია, ერთხანს გაყურებული იყო, მერე ქვაზე დაჯდა და ხელები ისევ აამოძრა.

— ახლა ხომ მოგწონვარ! — მძიმედ ამოილაპარაკა, — ბებრულად აღარ მაცვია. რა მითხარი? არავინაც არ მაწუხებს.

თოთოშა უკვე მარტო ხელებს კი აღარ ამოძრავებდა, თავსაც აკანტურებდა. თმები ყალყზე დამიდგა, მეტის ყურება ვეღარ შევძელი და გავიქეცი. მთავარ ქუჩას როგორ მივალწი, ვერ გავიგე. ის იყო, შინ დავაპირე გაპარვა, ჩემს წინ „ვოლგა“ გაჩერდა, ერთი კარგად ჩაცმული კაცი გადმოვიდა და სასაფლაოს გზას ნელი ნაბიჯით გაჰყვა. გულმა მიაწრა და უკან ავედევნე. უცნობი თოთოშას ახლოს შეჩერდა და დაუწინებლად დაუწყო ყურება. სულ მალე თოთოშას ხმაც მომესმა: მოდი, შვილო, არაფერი იტყინო, მამაშენის ფეხზე შენდა მოგჩერებინარო, — დამიძახა ალერსიანი ხმით. მივედი, თოთოშამ გულში ჩამიხუტა და დედასავით მომეფერა. უცნობი ბევრს ეცადა გამოლაპარაკებას, მაგრამ თოთოშამ არც მიხედა.

* * *

ქმარს წლისთავი რომ გადაუხადა, თოთოშა ხალხში გავიდ-გამოვიდა, სულ ცოტა ხანიც და... მუშაობა დაიწყო...

- ეგ არის, დამთავრდა ფრიდონის საქმე!
- შენც მტერი არ არის, თოთოშამ მიხაკები აღარ იყიდოს!
- არ კმარა, რაც იყიდა? სასაფლაოზე მთელი წელიწადი იარა, ერთი დღეც არ გამოუტოვებია... მიჰქონდა და მიჰქონდა წითლად მობრიალე მიხაკები. მერე ცოტა მაინც ღირდეს, მამასისხლად ყიდიან!
- ახლა ყვავილებს თვითონ მაგას მოუტანენ!
- ვინ მამაძალი დანანებს!

მეზობლების ჩურჩული მხოლოდ ხუთიოდე დღეს გაგრძელდა. კვირას ისევ დანახეს თოთოშა მიხაკებით ხელში, ძველებურად თავდახრილი და ჩაფიქრებული სასაფლაოს გზას რომ გაუყვანა...

ერთხელ დედაჩემმა თვალი გააყოლა სამსახურში მიმავალ თოთოშას და მერე ბებიას ნაღვლიანად უთხრა:

— რაც მუშაობა დაიწყო, ერთი ხელის დაკვრით გამოიცვალა, უფრო გულ-ჩათხრობილი და სევდიანი გახდა!..

— მეც ეგ მინდოდა შეტყვა! — გვერდით ისე ჩაგვივლის, არც შემოგხედავს. მერედა როგორი საღმინა იყო... — უპასუხა ბებია და შემდეგ მე მომიბრუნდა: — აღარც შენ გეძახის, ხომ, ბიჭო?

— არა! — მივუგე დანანებით.

თოთოშას ჩვენი ქუჩის ბავშვებში თვალით ამორჩეული ვყავდი. სასაფლაოზე წაყოფის შემდეგ კიდევ უფრო შევუყვარდი. დღე არ გავიღოდა, რომ არ დაეძახნა. ყოველთვის ტბილიუღით მიმასპინძლდებოდა. ბოლო დღეებში კი ყური ტყუილად მქონდა იქით, ერთხელაც აღარ გავახსენებია. მიწზეც მალე გავრეკა...

ერთ კვირა დამეს უეცრად გვესტუმრა თოთოშა. თვალბავიანი და მუცელი იყო, სახე უცინოდა, დღეს ბედნიერი დღე გამითენდა, ფრიდონი ისევ შემხვდაო, თქვა აღელვებით და სკამზე დაჯდა. ერთხანს პირმღიმარე იყურებოდა, თითქოს ამოწმებს, ჩემმა ნათქვამმა რა შთაბეჭდილება მოახდინაო. დედამ და ბებია მ რომ არაფერი უთხრეს, ისევ თვითონ წამოიწყო:

— ერთხელ მივედი, არ გამოჩნდა, მეორედ მივედი, არ გამოჩნდა, მესამედ მივედი და კიდევ არ გამოჩნდა. გადავირე პირდაპირ, კინაღამ გული გამისკდა. მივდივარ დღეს და ვფიქრობ: თუ ახლაც არ გამოჩნდება, თავს აღარ ვიცოცხლე... შეტყვი...

- თოთოშა გაჩუმდა და წარბები რაღაც მოუსვენრად აათამაშა.
- მერე? — წასცა ბებიას.
- გამოჩნდა, — წყნარად თქვა თოთოშამ და კიდევ გაიცინა.
- რატომ არ ვჩნდებოდიო? — ისე ჰკითხა დედამ, თითქოს ყველაფერი სჯეროდა.

— თურმე გამაწუხებია, ყოველდღე რომ ვეღარ მივდიოდი, — თოთოშამ ღრმად ამოიოხრა: — განა მე არ მინდა ყოველდღე მისვლა მაგრამ რა ვქნა, თუ არ ვიმუშავებ, ვინ მარჩენს? მათხოვრობას ხომ არ დავიწყებ?..

* * *

გადიოდა დღეები, გადიოდა თვეები... თოთოშა სამსახურიდან ზუსტად ერთ-თდღივე დროზე ბრუნდებოდა. მეზობლებს არ ეკარებოდა, მხოლოდ ჩვენ შემოგვივლიდა ხანდახან. კვირა დღის მოახლოება თვალდათვალ ეტყობოდა, გულგახსნილი და ხალისიანი ხდებოდა. კვირას ზუსტად თერთმეტ საათზე გამოდიოდა შინიდან, ხელში წითელი მიხაკები ყოველთვის ეჭირა.

ქალაქს პაპანაქება სიცხეებში არ ტოვებდა. მისთვის არც შევებულბა იყო და არც დასვენება, ქალაქგარეთ გასული არავის უნახავს. ნათესავებმაც თანდათან ფეხი ამოიკვეთეს, აღარავინ აკითხავდა. დედამ ერთხელ სიტყვა ჩამოუგდო ნათესავებზე. თოთოშამ წარბები შეშუპარა და ზიზღით ჩაილაპარაკა:

- ნუ მიხსენებთ, თუ ქალი ხარ!
- რატომ? — ჰკითხა დედამ.
- ცუდ გზაზე მიიძვებენ... — თოთოშას გული ამოუჭდა. კიდევ უნდოდა რაღაც ეთქვა, მაგრამ ენა ვეღარ მოაბრუნა.
- ქმრის ნათესავები? — ჩაეძია დედა.
- ისინი უარესები არიან... — ცრემლები წასცა თოთოშას და როდის-როდის ამოილულლულა: — რას მიჩერებინარ ოთხ კედელსაო..
- დედამ შეატყო, თოთოშას ამ საკითხზე ლაპარაკი უჭირდა და საუბარი სხვა ღარზე გადაიტანა.

* * *

— თოთოშა თხოვდებო! — მეხვივთ გავარდა ერთ დღეს ჩვენს ქუჩაზე. არ დავიჭერეთ.

— ჩემი თვალთ დავინახე, ვიღაც ახალგაზრდა ორჭერ გამოაცილა შინიდან! — ირწმუნებოდა ერთი.

- მეც დავინახე! — გაიძახოდა მეორე.
- ჩუმჩუმად გამოაპარებს ხოლმე! — მხარს უბამდა მესამე.
- ჯერ ახალი საქმეა, რა ქნას, რცხვინა! — იცინოდა მეოთხე.
- მიწამ თქვა: საყვარელი მომბარე და ორ დღეში დაგავიწყებო! — ფილოსოფოსობდა მეხუთე...

მე კი ატირებას ბევრი აღარ მიკლდა რა. რატომღაც თოთოშას გათხოვებაზე ლაპარაკს ვერ ვიტანდი. არც მჭეროდა... მაგრამ დედისა და ბებიას საუბარს მოვკარი ყური და ცოტა არ იყოს, მეც შევიქვიცი.

— თოთოშასთან კიდევ მივიდა ის ახმახი, — უთხრა ბებია დედას.


— გუშინ ქუჩაშიც ერთად მოდიოდნენ. თოთოშამ დამინახა და პირი ამარიდა, — უპასუხა დედამ და მერე დანანებით დაუმატა: — მგონი, ამ კვირას სასაფლაოზეც არ გასულა!

— როგორ არ გასულა, მე დავინახე! — ვიყვირე აღელვებით, თუმცა კვირას თერთმეტ საათზე ისევ მეძინა და რას დავინახავდი.

— შენ ვინა გკითხავს, ბიჭო, მუდამ მოღარაჭებული რომ ხარ და ვერაფერს გამოაპარებს კაცი! — გამიწურა დედა.

სულ მალე პირში წყალი ჩაეგუბა ყველას. ის ახმახი ფრიდონის ბიძაშვილი აღმოჩნდა. ჯარში ყოფილა, ჩამოსულა და უმაღლესში შესვლა რომ განუზრახავს, თოთოშაც გახსენებია: იქნებ გამოცდებისათვის მომამზადდოსო.

ეს იყო და ეს: ამის შემდეგ თოთოშაზე გადაბრუნებული სიტყვა აღარ თქმულა. წლები კი მიდის და მიდის...



1629 წლის იანვარში მოულოდნელად გარდაიცვალა სეფიანთა ირანის გამოჩენილი ხელმწიფე შაჰ-აბასი. მისი სიკვდილის შემდეგ, როგორც ვაღმარევეს ვახუშტი, ყიზილბაშებს შფოთი დაუწყიათ. „მაშინ ხოსრო-მირზამ შემოიკრიბნა ყულნი, გამოიყვანა შაჰ-სეფი და დასვა ყანად და მოსრნა წინა-აღმდგომნი“.

ვახუშტის ამ ცნობას ერთხმად ადასტურებენ სხვა წყაროები, ქართულია და უცხოურიც.

გერმანელი მეცნიერი და მოგზაური ადამ ოლერიუსი მოგვითხრობს:

მაზანდარანში ყოფნისას შაჰ-აბასი ავად გამხდარა. მკურნალობამ ვეღარ უშველა სასიკვდილოდ განწირულს და ძლევამოსილი ხელმწიფე მიხვდა, რომ მართლაც უძლეველი მტერი შემოჰპაროდა სასახლეში. მომავლადემა ანდერძი დატოვა: ტახტზე უნდა ასულიყო მისი შვილიშვილი საამ-მირზა.

ვარსკვლავთმრიცხველმა განაცხადა, ვარსკვლავები იმას მეტყველებენ, რომ საამ-მირზა მხოლოდ თვრამეტ თვეს იმეფებს. შაჰ-აბასი ძლიერ შეწუხდა, მაგრამ ჩუბუდა იღვა თავისაზე: რამდენსაც შეძლებს, იმდენი იმეფოს, თუნდაც სამი დღე იმეფოს, ოღონდ კი დაიდგოს თავზე გვირგვინი, მამამისს რომ ეკუთვნოდეს.

შაჰ-აბასი, ეტყობა, სიცოცხლის უკანასკნელ წუთებშიც განიცდიდა თავის ყველაზე შემადარწუნებელ ბოროტმოქმედებას — ღვიძლი შვილის მკვლელობას. თხუთმეტიოდ წლის წინათ სამეფო კარის

ხანს ხმას ვერ იღებდა, უმწეოდ უსმენდა შვილის დაკარგვით გამძვინვარებულ დედას და ბოლოს ცრემლმორეულმა თქვა: „რა ვქნა, მითხრეს, ლალატი განიზრახაო. ახლა აღარაფერი ეშველება ამ საქმეს. რაც მოსახდენი იყო, მოხდა“. იგი მწუხარებამ და სინანულმა შეიპყრო. თურმე ათი დღე ბნელში იჯდა, საქმელ-სასმელს ვერ ეკარებოდა და ცრემლი არ შეშრობია თვალებში.

იტალიელი მოგზაურის პიეტრო დელა ვალეს ცნობით, შაჰ-აბასმა ბრძანება გასცა, რომ სეფი-მირზას შესახებ არავის არასოდეს არც ელაპარაკა, არც დაეწერა, არც ემღერა და არც ლექსები შეეთხზა, რათა არ განახლებულიყო მისი მწუხარება.

გამოხდა ხანი და თავის ბრმა იარაღზე იყარა ჯავრი. ახლა შენი შვილი მოჰკალი, უბრძანა ბებუთ-ბეგს. ისიც კვლავ უყოყმანოდ დაემორჩილა. შაჰ-აბასმა ნიშნის მოგებით განუცხადა: „შუკვე გეცოდინება, რა განიცადა ჩემმა გულმა, როდესაც მომიკალ შვილი. თავი ინუგეგმე იმით, რომ ერთ ბედქვეშ ვართ!“

ჩირის ფასი ჰქონდა ადამიანის სიცოცხლეს სეფიანთა საბრძანებელში. სპარსელი ისტორიკოსის ისქანდერ მუნშის სიტყვით, თუ შაჰ-აბასი უბრძანებდა ვინმეს საკუთარი შვილის მოკვლას, განაჩენი მაშინვე უნდა აღსრულებულიყო მსგავსად განგებების ნებისა. თუ მამა მშობლიური გრძობების გამო, დააყოვნებდა, ახლა შვილს უბრძანებდნენ მამის მოკვლას და თუ შვილიც შეყოყმანდებოდა, სხვა



შაჰის გვარდია, შედგენილი ძირითადად ქართველი მხედრებისაგან. მათი თანხლებით ქართველმა ბატონიშვილმა სასახლეში შეიყვანა ჩვიდმეტი წლის საამ-მირზა და დიდებულთა წინაშე წაიკითხა განსვენებული ხელმწიფის ანდერძი. საამ-მირზას თავისი მამის კუთვნილ გვირგვინთან ერთად მამისავე სახელი (სეფი) უნდა მიეღო. ასე რომ, ტახტზე ავიდა შაჰ-სეფი.

პიეტრო ავიტაბილეს სიტყვით, ხოსრო სათავეში ედგა ქართულ ფრაქციას, ყველაზე ძლიერს ირანში და მან იოლად დასძლია მეორე პრეტენდენტის

დავით აღმაშენებლის ხელმოწერილი დოკუმენტი

თ. კახიანი

რამდენიმე დიდებულმა საიდუმლოდ მისწერა შაჰის უფროს ვაჟს სეფი-მირზას, მამაშენის გადმოგდება გვინდა, შენ უნდა ავიყვანოთ ტახტზეო. სეფი-მირზა მამას მიაჩნდა. შაჰ-აბასი კმაყოფილი დარჩა შვილის ერთგულებით, მაგრამ გულში ეჭვი ჩაებუდა და აღარ მოასვენა. ღამობობით სამჯერ იცვლიდა საწოლს ღალატის მოლოდინში. ბოლოს დაასკვნა, რომ მხოლოდ უფლისწულის სიკვდილი გაუქრობდა ეჭვსა და შიშს. შაჰის სულში გაჩენილ ჯოჯობეს ერთი მუგუზული-ლა აკლდა, როდესაც ენა მიუტანეს, სეფი-მირზა ხანებთან ერთად შეთქმულებას ამზადებს ტახტის ხელში ჩასაგდებად.

შაჰ-აბასმა სასწრაფოდ დაიბარა თავისი სახელგანთქმული სარდალი ყარჩილა-ხანი და უფლისწულის მოკვლა დაავალა. ყარჩილა-ხანმა ხმალი შემოიხსნა, ფეხქვეშ ჩაუფარდა მბრძანებელს და მოახსენა, მირჩევნია თავი წავაგო, ვიდრე შაჰის ვაჟზე აღვმართო ხელიო. მაშინ შაჰ-აბასმა იხმო ვინმე ბებუთ-ბეგი, რომელიც უყოყმანოდ დაემორჩილა „ალაჰის ჩრდილის“ გაუგონარ ბრძანებას და განგმირა მისი პირშიო.

ვერავლად მოკლულ სეფი-მირზას დედა ქართველი ჰყოლია. იგი თავისი გონიერების გამო შაჰ-აბასის განსაკუთრებული კეთილგანწყობით სარგებლობდა (ეს ქალი უნდა იყოს თამარ ამილახორი, რომელიც ფარსადან გორგიჯანიძის სიტყვით, „შაჰ-აბას ყანის ცოლათ ჰყვანდა და ნამეტნავად უყვარდა“). შვილის სიკვდილი რომ შეიტყო, თმაგაშლილი და ავივლებული მივარდა შაჰს. აღარაფერი ახსოვდა გაოგნებულს, აღარაფრის ეშინოდა, თურმე გაარტყა კიდევ მრისხანე მეუღლეს და ასე მიმართა: „სისხლისმსმელო, რატომ მოჰკალი საკუთარი სისხლბორცი, ახლა ვილა იმეფებს შენს შემდეგ, რატომ განწირე შენი ქვეყანა, რა დაგიშვა ჩემმა შვილმა, რომელსაც ასე ძალიან უყვარდი?“

თავისი ავკაცობით თავზარდაცემული შაჰი ერთ-

აუგებდა წესს მამასაც და შვილსაც. ასეთი თავზარდამცემი სისასტიკის (თუ საღიზმის?) შედეგად ველარაინ ბედავდა, თუნდაც ერთი წამით შეეფერებინა შაჰ-აბასის განაჩენი, ისევე გარდუვალი, როგორც ბედისწერა.

ხელმწიფის უზომო ეჭვიანობას კიდევ ორი უფლისწული შეეწირა. მათ თვალები დათხარეს. სამაგიეროდ თავს ევლებოდა ტრაგიკულად დაღუპული უფლისწულის ვაჟს, საამ-მირზას. შაჰ-აბასის სიკვდილამდე ათი წლით ადრე დედა ვალე წერდა: შაჰს მტკიცედ აქვს გადაწყვეტილი, რომ მისი მემკვიდრე იქნება საამ-მირზა. ასე ღამობდა ჩადენილი ცოდვის გამოსყიდვას და თანაც იმედოვნებდა, ჯერ ხომ ვერ შემეცილება მეფობასო. საამ-მირზა შვიდი წლის ბავშვი იყო მაშინ...

მაგრამ მომავლადემა შაჰ-აბასმა იცოდა, რომ გვირგვინს სხვა პრეტენდენტიც ჰყავდა, ასევე მისი შვილიშვილი, ვაჟი ისა-ხან ყორჩიბაშისა. ისიც იცოდა, რომ მარტო ანდერძი ვერ გასჭირდა, გარდაცვლილი ხელმწიფე ვეღარ დააშინებდა ყიზილბაშებს. ანდერძს ხმალი უნდა ამოსდგომოდა მხარში.

არქანჯელო ლამბერტის ცნობით, შაჰ-აბასმა თავისი ანდერძის განხორციელება მიანდო ხოსრო-მირზას, ირანის ქართველ ყულარალას.

ხოსროს პაპა იყო ქართლის სახელოვანი მეფე ლუარსაბ ბირველი, მამა — დავითი, ავტორი ქართული სააქიმო წიგნისა („იალიგარ-დაუდი“), დედა — წაკისელი გლეხის ქალი. ირანში აღზრდილის ქართველი ბატონიშვილის დაწინაურებას სეფიანთა სამეფო კარზე ხელი შეუწყო გიორგი სააკაძემ. ხოსრო-მირზა დანიშნულ იქნა ისპაანის ტარულად-წლების მანძილზე უნარიანად უძღვებოდა უზარმაზარი ქალაქის მმართველობას, ომებშიც გამოიჩინა თავი და ბოლოს ყულარალასობა უბოძეს.

ახლა მას ემორჩილებოდა სეფიანთა სამხედრო ძალების საუკეთესო ნაწილი — ყულის ჯარი ანუ

მომხრე ყიზილბაშთა გარკვეული წინააღმდეგობა. ისპაანის ერთ ციხეში გამაგრებულმა ისა-ხან ყორჩიბაშმა მოასწრო კიდევ თავისი ვაჟის შაჰად დალოცვა, მაგრამ ციხე უკვე ალყაშემორტყმული იყო და ყორჩიბაში მიხვდა, რომ ვერ გაუმკლავდებოდა ყულარალასს. სისხლისმღვრელ შეტაკებას მოერიდა და უზენაეს მბრძანებლად აღიარა შაჰ-სეფი.

სეფიანთა დინასტიის ახალი შაჰი ტახტზე აიყვანა ქართლის ბაგრატიონთა შთამომავალმა და ქართლის მომავალმა მეფემ, ქართველი მხედრების მხარდაჭერით. ეტყობა, უყვარს ისტორიას ასეთი პარადოქსები!

შაჰ-სეფის არ დავიწყებია არც ხოსრო-მირზას ერთგულება და არც ისა-ხან ყორჩიბაშის პატივმოყვარე წადილი.

იმავე წლის ზაფხულში ისა-ხანმა ბრწყინვალე ნადიმი გამართა ქალაქგარეთ. თითქმის მთელი სამეფო კარი იყო მიწვეული სტუმრად. ბევრი ღვინის სმამ ენა გაუხსნა ერთ კარისკაცს (სახელი არაა აღნიშნული წყაროში). მან ხოტბა შეასხა ყორჩიბაშს ასეთი ლხინის გადახდისათვის, მერე მისი ვაჟის (ტახტის ყოფილი პრეტენდენტის) მეფური შესახედაობა შეაქო და ხმამალა წარმოთქვა: „ვინ ჩვენ, რომ ირანის ხელმწიფედ გამოაცხადეთ ნამდვილი არაარაობა. აი, ვინ იმსახურებდა გვირგვინს!“ და თითი გაიშვრა ყორჩიბაშის ვაჟისაკენ.

ყველაფერი მაშინვე მოახსენეს შაჰ-სეფის. მან მეორე დღით იხმო ენამწვევრი კარისკაცი და აღერიანის საუბარი გაუბა. ჯერ ჰკითხა, იყავი თუ არა წუხანდელ ნადიმზეო. მერე ათქმევინა, თუ რამდენი სტუმარი ესწრებოდა, რა და რა საქმელი იყო სუფრაზე, რამდენი ღვინო შეისვა — თანდათან უახლოვდებოდა მთავარს. რაზე საუბრობდითო, დაინტერესდა. ყურადღებით უსმენდა. ისევ დისევ ეკითხებოდა დაყინებით: „და კიდევ რა

სხვა? ბოლოს ხელები გაშალა კარისკაცმა, მეტი არაფერი მახსოვს.

მაშინ შაჰ-სეფიმ ხმას აუწია: „თუ სხვა აღარაფერი გახსოვს, მე შეგახსენებ იმას, რაც შენ თქვი წუხელ და ახლა თავს იკატუნებ, ვითომდა არ გახსოვს. თურმე ნაწილზე ჩემთვის გაწეულ სამსახურს, ახლა კი მართლა: ინანებ იმას, რაც ჩემს წინააღმდეგ წამორომე.“ შაჰის სასჯელი სასტიკი იყო. ვინ დაუშლიდა, ანდა ხელს ვინ შეუშლიდა...

სიკვდილით დასაჯეს ტახტის უიღბლო პრეტენდენტიც თავის უმცროს ძმასთან ერთად. შაჰ-სეფიმ მოკვეთილი თავები გაუგზავნა ყორჩიბაშის ცოლს (ანუ თავის მამიდას). შაჰ-აბასის ასულმა წარბიც არ შეხარა და ცივად წარმოთქვა, ასე დამართება ყველას, ვინც ჩვენი მბრძანებლის ლალატს გაივლებს გულში. ხოლო ყორჩიბაშმა მორჩილად განუცხადა შაჰ-სეფის: რომ გებრძანებინა, მე თვითონ მოგვეთღობ თავს ორივესო. მაინც ვერ გადაურჩა სიკვდილს ისა-ხან ყორჩიბაში (სხვათაშორის, იგი იყო ყიზილბაშთა ლაშქრის მთავარსარდალი მარაბდის ომში).

შაჰისათვის გაწეულმა სამსახურმა „დაცვის სიგელი“ მოუხვეჭა ხოსრო-მირზას. მისი ბედის ვარსკვლავი თამამად ჭანჭანებდა სეფიანთა ირანის პირქვე ცაზე. ვახუშტის მიხედვით, მადლიერი შაჰ-სეფი თურმე მამას უწოდებდა ქართველ ყულარადას. ფარსადან გორგიჯანიძე მეტსაც ამბობს: „ერანის საქმე როსტომ მეფეს ეკითხოდა“.

1632 წლის დამლევს შაჰ-სეფიმ თავის მამობილს ქართლის მეფობა უწყალობა. ხოსრო-მირზა წარსულს ჩაბარდა. ასპარეზზე გამოვიდა როსტომ მეფე.

ქართლის ახალ მეფეს ლაშქარი გააყოლეს ირანის სპასალარ როსტომ-ხან სააკაძის სარდლობით. 1633 წლის დამდეგს როსტომ მეფე უკვე თბილისში იყო.

თანადამხედველი და თვითმხილველი ავტორი, კათოლიკე მისიონერი ჯუსტო პრატო მოგვითხრობს:

19 თებერვალს, შუალამისას, გორში მოვიდა მაცნე და ყვირილი მორთო, ხალხი, თავს უშველეთ, თეიმურაზ მეფე იმერეთს გაიქცა და ირანის ლაშქარი უკვე ქართლში შემოვიდაო. ახალმა ამბავმა შიშის ზარი დასცა ყველას. მთელი ქალაქი ფეხზე დადგა, დაიწყეს გახიზნა უღრან ტყეებსა და მთებში. მისიონერებს მაინცდამაინც არ შეშინებიათ, რადგან იცოდნენ, რომ ქართლის ახალ მეფეს მრავალი ღვაწლი მიუძღოდა ისპანის მისიონე... აწინაშე, მფარველობდა და პატივს სცემდა მათ. დილით ცხენებზე შესხდნენ და საჩუქრებით ხელში გამართნენ ახალი მეფის შესახებდრად, რომელიც ჯერ სამი დღის სავალზე იყო გორიდან და მისიონერები უკან დაბრუნდნენ სალამოსვე, ქალაქგარეთ ხიფათს არ გადაეყარათო.

როდესაც გორს მიუახლოვდა როსტომი, ქალაქის წარმომადგენლები შეეგებნენ. მან გულუხვად დაასახუქრა ისინი, ფარჩის ხალათები უბოძა და მათი თავკაცი მამასახლისად დანიშნა. შემდეგ შიკრიკი გაუგზავნა მისიონერებს, ნურაფრის შეგეშინებდათ, ძალიან მოხარული ვარ, რომ „ფრანგები“ (ე. ი. ევროპელები) ჩემს სამეფოშიც მოიბოვებინანო. ისევე როგორც თეიმურაზის დროს, მისიონერები ახლაც გაათავისუფლეს გადასახადებისა... რ. ა. ბ. ტომ მეფემ განუცხადა მათ: წყლის, ქარისა და მზის გარდა ვერაფერს გაბედავს დაუქითხავად შემოსვლას თქვენს სახლშიო.

ლაშქრის ავანგარდი განლაგდა ქალაქიდან რამდენიმე კილომეტრის დაშორებით, რომ არ გაეპარტახებინათ ბალები და ნათესები. ხოლო 31 მაისს მთელმა ლაშქარმა გორთან მოიყარა თავი. ქალაქიდან გასასვლელი გზები გაჭედილი იყო მემორე-

ბით, ცხენებით, აქლემებით, ხარებითა და კარვებით.

ლაშქარი გორში იმყოფებოდა 12 ივლისამდე. კირითა და გაუთლელი ქვით ააშენეს ციხე ქალაქის შუაგულში მდებარე მთაზე. მუშაობდნენ „სასწავლებლები სისწრაფით“ და ოცდახუთ დღეში ციხე მზად იყო. სხვაგანაც გაამაგრეს ციხეები (ქართული და სპარსული წყაროების მიხედვით — სურამში და ალავერდის ტაძართან). გორის ციხეში ჩააყენეს ხუთასი ყიზილბაში მეთაფე და გააწყვეს თხუთმეტი ზარბაზანი.

როსტომ-ხან სააკაძის მეომრები იქცეოდნენ დიდი ზრდილობითა და თავმდაბლობით, არაფერს აწვევდნენ და ნაყიდი საქონლის ფასს კეთილსინდისიერად იხდებდნენ. ჯუსტო პრატო ასკვნის, ქართველებს არავითარი საფუძველი არა აქვთ პროტესტისათვის, ხოლო თეიმურაზის საქმე წასულიაო.

როსტომ მეფე თავისი ამალით სტუმრად ეწვია მისიონერთა ეკლესიას. ინტერესით დაათვალიერა იქაურთა. ლარის ხანმა 36 სკული აჩუქა მისიონერებს ერთ პატარა ნახატში. ეს იყო არქანჯელო ლამბერტის ნამუშევარი — წმინდა გიორგი ცხენზე. მისიონერებმა როსტომ მეფეს უძღვეს სურათი ქალაქ გორისა, ახლად აშენებული ციხითურთ. როსტომს ძალიან მოეწონა საჩუქარი.

როდესაც ლაშქარი აიყარა გორიდან, მეფემ მოსვენება დაკარგა. თავის მცველთა რაზმს სამასი კაცი დაუმატა და ესეც ეცოტავებოდა. ქართველებმა არ მილატონო, ფიქრობდა და ღამებს თუთრად ათენებდა ერთგულ მსლებლებთან ერთად. ყოველ ღამით იმართებოდა საზეიმო ღონი, განუწყვეტელივ იმართდა დოლ-საყვირისა და პაერში სროლის ხმები. მხოლოდ მზის ამოსვლისას წვებოდა დასაძინებლად. ასე გაატარა ივლისი და აგვისტო.

ჯუსტო პრატოს რელაციიში ბოლოს აღნიშნულია, რომ ოქტომბრის დამდეგს გორში ქარავანი ჩამოსულა თავრიზიდან და ტყვიანობის მარაგი ჩამოუტანია მეციხოვნეთათვის.

...ქართლის თავად-აზნაურებმა მორჩილება გამოუცხადეს თავის კანონიერ მეფეს — ქართლის ბაგრატიონთა შთამომავალს. მხოლოდ ფარსადან ციციშვილი არ ეახლა როსტომ მეფეს, ისიც სპასალარ როსტომ-ხან სააკაძის შიშით („იმისთვის ვერ მოვიდა, — გვამცნობს ქართული წყარო, — რომ სარდლის სახლზედა ძალი და უსამართლო მოუძლოდა“). სააკაძის შურისძიებას უფრთხოდა ციციშვილი და მაინც ვერ აიციდნა. ირანის სპასალარმა მაშინვე ისარგებლა შემთხვევით, ხელზე დაიხვია ფარსადანის ურჩობა და ლაშქარი გაუსია საციციანოს.

ფარსადან გორგიჯანიძე გვაუწყებს: „ეს როსტომ მეფემ იწყინა და სარდალს კაცი მიუგზავნა: თავად საქართველო ახრებულნი არის, რაც დარჩომილა, იმასაც თქვენ ამიოხრებთო, მაშ მე რისილა ბატონი ვიქნებითო“. როსტომ-ხან სააკაძეს არ ეჭაშნიკა როსტომ მეფის საყვედური და გაწყრა. ორივემ არაზა მისწერა შაჰ-სეფის. ირანის მბრძანებელმა ქართლის მეფეს დაუტორა მხარი და საქართველოდან გაიწვია სპასალარი. „რა სარდალი საქართველოს გაეცალა, ფარსადან ციციშვილი და ვნ სხვანი საცა დახიზნულიყვნენ, ყველანი მოვიდნენ. დაიწყეს აშენება, ხენა, თესვა“.

ქართველი ხალხის გამორულმა ბრძოლამ დღის წესრიგიდან მოხსნა საქართველოს გაყიზილბაშების ენერგიული პოლიტიკა, რომლის სულისჩამდგმელი იყო შაჰ-აბასი. ირანის ძლევამოსილი ხელმწიფე ისე ჩავიდა საფლავში, რომ თავის ნებაზე მაინც ვერ გადაჭრა „გურჯისტანის საკითხი“. მარაბდაში დაღვრილ სსხლს უქმად არ ჩაუვლია. სეფიანთა სა-

ხელმწიფომ ვერ შთანთქა საქართველო, თუმცა წელში გატეხა და დაასუსტა. სამაგიეროდ ყიზილბაშებიც დასტა-დასტად ჩაწვენენ მიწაში, მარაბდის ველზე თუ მარტყოფთან, ქსნის ხეობაში თუ წიწი-მურთან, და ვინ მოთვლის კიდევ რამდენ ადგილს გაეთხარათ სამარე; ყველგან გაეთხარათ, სადაც კი გაიარეს და სადაც კი გაჩერდნენ.

თავის საბოლოო მიზანს ვერც ერთმა მხარემ ვერ მიადწია. ორივე იძულებული გახდა, რომ ხმალი ქარქაშში ჩაეგო და დათმობაზე წასულიყო. არც ყიზილბაშებს ეთქმოდათ გამარჯვება და არც ქართველებს — დამარცხება. ქართველი ხალხი რჩებოდა თავის მიწაზე, მას აღარ ემუქრებოდა აყრავადსახსლებმა. სამეფო ტახტზე იჯდა არა ყიზილბაში ხანი, არამედ ბაგრატიონთა დინასტიის წარმომადგენელი.

ამდენი ომით ღონეგამოლეულ ქვეყანას მოსვენება სჭირდებოდა, ფიზიკური მოსპობის პირას რომ არ მისულიყო ქართველი ერი. თვით ცხოვრებამ გადაწონა გამარჯვების სასწორი როსტომ მეფის მხარეზე. კიდევ ერთხელ დადასტურდა ძველად ნათქვამი სიბრძნე, რომ ყველაფერს თავისი ყამი აქვს ამ ქვეყნად; რომ არსებობს ყამი წყულულებისა და ყამი კურნებისა, ყამი ნგრევისა და ყამი შენებისა, ყამი ტირილისა და ყამი სიცილისა, ყამი გოდებისა და ყამი განცხრომისა, ყამი ომისა და ყამი მშვიდობისა.

როსტომ მეფემ — „ზორსმჭვრეტელმა სახელმწიფომ მოღვაწემ“, (როგორც ახასიათებს მას ინგლისელი ქართველოლოგი დ. ლენგი) მთელი თავისი ნიჭი და ენერგია იმისკენ მიმართა, რომ მოეშუშებინა მრავალგზის დარბეული მიწა-წყლის ტერიტორიები. შეწყდა ყიზილბაშთა თარეში, ირანიდან სამშობლოში დააბრუნეს ტყვედ წაყვანილი ქართველები. გამოცოცხლდა ვაჭრობა-ხელოსნობა, შეუდგნენ გზებისა და ხიდების მშენებლობას. „როსტომმა ყველგან აღადგინა მშვიდობა და წესრიგი, მართავდა ქვეყანას დიდი მოწყალებითა და სამართლიანობით“, — წერდა ცნობილი ფრანგი მოგზაური შარდენი.

ქართლის მეფემ ცოლად შეირთო სამეგრელოს მთავრის ლევან დადიანის და — მარიამი („მზე შავის ზღვით ამოსული“, — როგორც ამბობს ფარსადან გორგიჯანიძე). როსტომის სახელოვანმა თანამეცხედრემ დიდი ამაგი დასდო ქართულ კულტურას. გადაწერილი იქნა „ქართლის ცხოვრება“. დღეს რომ მარიამ ღედოფლისეულს ვუწოდებთ. მისივე კეთილისმყოფელი გავლენით, ქართლის მაჰმადიანი მეფე ქრისტიანობაზე ზრუნავდა. ბერი ეგნატაშვილის სიტყვით, როსტომმა ქართული სამღვდელთა იმით დაიერთგულა, რომ „ყოველთავე ჟამაგირი განუწყესა, თავაბლად და ტყილად ექცეოდა... აღაშენა წმიდა კათოლიკე ეკლესია, მცხეთის გუმბათი და სხუანიცა რომელნიმე მოხრებულნი ეკლესიანი აღაშენა“.

ცხადია, არც ის უნდა დავივიწყოთ, რომ როსტომ მეფემ „ქართველობის“ შენარჩუნებასთან ერთად გზა გაუხსნა „ყიზილბაშურ“ გავლენას საქართველოს ყოფა-ცხოვრებაში. ერთდროულად მფარველობდა ქრისტიანებსაც და მაჰმადიანებსაც. ამის გამო ცხარე საყვედურებს გამოთქვამენ მისი მისამართით იგივე ბერი ეგნატაშვილი და ვახუშტი. (როსტომის მოღვაწეობის ორმხრივი ხასიათი სათანადოდ არის ხაზგასმული და შეფასებული ქართულ ისტორიოგრაფიაში. არც ავია მიჩქმალული, არც კარგი).

მაგრამ მთავარი ის იყო, რომ ქართველმა ხალხმა სული მოითქვა, საქართველო „აღდგომისა და გამოსხნისათვის“ ძალას იკრებდა, სრული დამოუკიდებლობის მოსაპოვებლად ემზადებოდა.

პროკურორის ჩანაწერი

ნუ ეთამაშებით იარაღს

მაშინ ჭერ ისევ გამოძიებლად ვმუშაობდი. პლენარის პროსპექტზე, სწორედ ჩვენი პროკურატორის შენობის ახლოს მოთავსებული იყო საბილიარლო. ერთ საღამოს პროკურორმა გამოიძახა და მითხრა — საბილიარლოში კაცი მოუკლავთ და გამოარკვევ რაშია საქმე.

მაშინვე მკვლელობის ადგილს მივაშურე. შევიდი, ვხედავ, გდია იატაკზე ახალგაზრდა, წარმოსადეგი ვაჟკაცი... მარჯვენა ხელში რევოლვერი შეჩინია. ტყვია მარჯვენა მხრიდან მარცხენა საფეთქელშია გასული... სისხლი ჭერ ისევ წვეთავს.

აშკარა თვითმკვლელობა.

დავადგინე თვითმკვლელობის ვინაობა. აღმოჩნდა, რომ ეს იყო ცნობილი უსაქმური და მოხეტიალე შორა თუშმალიშვილი. დილიდან საღამომდე საბილიარლოდგება და ლუდსადავებში იყო, უნებართვოდ ატარებდა ნაგანის სისტემის რევოლვერს და თავის ამფონებთან სდებდა მეტად სულელურ სანაძღლოს.

როგორც მოგეხსენებათ, ნაგანის დისკოში ეტევა შვიდი ვაზნა, შორა ჩასდებდა ექვსს, ხოლო მეშვიდე ხვრელი ანუ ბუდე ვაზნის ჩასადებად — ცარიელი იყო. ამის შემდეგ მარცხენა ხელით, ზედ დაუხედავად, დაატრიალებდა დისკოს, შეუმოწმებლად მიიღებდა ნაგანის ლუდას საფეთქელთან და დააცივინებდა ჩახმასს. ხანგრძლივი ვარჯიშის შედეგად შორა ისე დაოსტატებული იყო, რომ დარტყმა ზუსტად უვანო ხვრელში ხვდებოდა და, მაშასადამე, სანაძღლო მოგებული იყო: შორას იმ დღეს მოპირისპირის ხარჯზე უნდა ექიფინა.

ეს იყო, რა თქმა უნდა, ყოვლად უაზრო და სულელური თამაში სიკვდილთან. საკმარისი იყო ოდნავი უზუსტობა დაეშვა და დანაშაულებულ შორას და ტყვიას მიიჭიდებდა საფეთქელში. აქი ასეც მოხდა — ამჭერად უმეტესა ბედმა.

ასეთი საქმე ჭერ არ შემხვედროდა. დავინტერესდი, თუ ვინ მოიგონა ეს უცნაური სანაძღლო. თურმე მას ძველისძველი „ტრადიცია“ ჰქონია. მეფის არმიასი, იუნკერთა სკოლებს და კადეტთა კორპუსებს შორის იყო ერთი განსაკუთრებით პრივილეგირებული სასწავლებელი, რომელიც ამზადებდა კადრებს საიმპერატორო გვარდიისათვის. ამ სკოლაში ჰქონიათ დუელის მეტად ახირებული წესი, როცა კონფლიქტის გადასაჭრელად ორი კაცი კი არ ებრძოდა ერთმეორეს, არამედ მარტო ერთი სცდიდა ბედს. იმ იუნკერს, ვინც ლუდსაქეფილს ჩაიდენდა, თავისივე ამხანაგები აიძულებდნენ თაღისი „სისხლით მოეგებანა დანაშაული“; ისიც აიღებდა ნაგანს, და შემოთ აღწერილი უსაქმური შორას მსგავსად იწყებდა „დუელს თავის თავთან“.

ასე მოულოდნელად იჩინა თავი საბილიარლოში ძველი დროის უმსგავსე „ტრადიციამ“. ეს კიდევ ერთხელ მოწმობს, თუ როგორი გამძლეა ხანდახან წარსულის ესა თუ ის ავბედითი გადმონაშთი და რა შედეგი მოსდევს იარაღთან სულელურ თამაშს.

რით გათავდა მაღარიჩი

ეს ამბავი სოფელ კარდანახში მოხდა, კარგა ხნის წინათ. შარავნის პირას მდებარე სახლის ეზოში, ფიცრის მაღალი ღობის ძირში ისხდნენ ბავშვები — შვიდი წლის ქეთინო და სამი წლის პეტო. დედ-მამა დილით ადრე ვენახში უსხულიყვნენ. გოგონას პური და ყველი გამოეტანა სახლიდან და ორივენი გამრიგლად შეექცეოდნენ საუზმეს.

უტყრად ფიცრის ღობე გრუხუნით გადმოიქცა, ბავშვები ქვეშ მოიყოლა და მათ ზედ გადაუარათ სამტონიანმა თვითმკვლელმა ავტომანქანამ. შოფერმა სწრაფად მოაბრუნა თვითმკვლელი, გამოიჭრა ისევ გზატკეცილზე და მთელი სისწრაფით გაეჭანა წინ. ეს სულ წუთების საქმე იყო, ამიტომ ვერც მეზობლებმა და ვერც გამვლელმა ხალხმა დროზე ვერაფერი შეიტყვეს. მერე კი, ფიცრის დანგრეული ღობე აიღეს და ბავშვების გვამები აღმოაჩინეს.

როგორც კი გავიგე ეს თავზარდამცემი ამბავი, იმ წამსვე პირადად მოვიკიდე საქმეს ხელი. წავიყვანე უბნის გამოძიებელი და წავედით სოფელში. არც შოფერის ვინაობა, არც მანქანის ნომერი არავინ იცოდა; მშრალი ამინდი იდგა და ავტონისპექტორმა ბიწელაშვილმა საბურავების ნაკვალევით ვერ აღმოაჩინა. ეს კი მითხრა, მანქანა უსათუოდ სატერით იქნებოდაო.

ფრთხილად დავათვალიერე იქაურთა და უცებ შევნიშნე კირის მცირე ნაფხვენები, რომელიც დახეული იყო რამდენიმე ადგილას, ალბათ მანქანის ეზოში შეჭრის დროს. შევაგროვე ეს ნაფხვენები, გვახვავე ქაღალდში და შევიანებ; იმ აზრმა გამიელვა, რომ მანქანა კირიანი უნდა ყოფილიყო; კირს ამ სოფლებში, უმთავრესად წითელწყაროს კირის ქარხნიდან ენიშნებოდა; მაშინვე გავწიე იქით. ლაბორატორიულმა ანალიზმა დაადასტურა, რომ კირი ამ ქარხნიდან იყო წაღებული; იმავე დროს, წითელწყაროს ავტოსატრანსპორტო კანტორაში შევაგროვე საგურები და გამოირკვა, რომ რამდენიმე მანქანიდან ერთი თვითმკვლელი, გურჯაანის რაიონის სოფელ ახაშენში წავიდა. დავრწმუნდი, რომ კვალი სწორად მქონდა აღებული.

სულ მალე ახაშენში ვიყავ; ვნახე კოლმეურნი, რომელიც ახალ სახლს აშენებდა. გამოვიკითხე, შოფერმა კირი მას ნამდვილად მოუტანა. გადმოცალეს.

მერე, მოგეხსენებათ, ჩვენი წესი ასეა, შოფერს პატარა სუფრა გავუშალე, აბა უმადარიჩოდ ხომ არ გავუშვებდი, თითო ჭიქა დავლიეთო.

— მარტო თითო ჭიქა? — ვკითხე კოლმეურნის.

— რა დაგიმალო, თითო ხელადა გამოვცალეთ.

უკვე გასაგები იყო, რომ შოფერი ფედოროვი გაოგნებული მთვრალი წასულა აქედან ცარიელი მანქანით.

ძიების დამთავრებისთანავე გავეცი სანქცია შოფერის დაპატიმრებაზე. იგი მაშინვე გამოტყდა, ოღონდ თავს იმით იმართლებდა თითქოს წინ, აღმოსავლეთის მხრიდან მომავალმა ავტომანქანამ გზა არ მისცა, ამიტომ მარცხნივ გადაუხვია და ღობე გადაანგრია. მან შენიშნა კიდევ, თუ რა შედეგი მოჰყვა მის მიერ მოძრაობის წესების დარღვევას, მაგრამ თავს უშველია; შოფერი ძალიან დახეული იყო, აღარ იცოდა რა ეთქვა — ჰყვებოდა, რომ მასაც ორი მცირეწლოვანი ბავშვი ჰყავს, რომ კირის მეპატრონემ ერთი კალათი ყურძენი გამოატანა ბავშვებთან საჩუქრად. როცა ვუთხარი შენ თვითონ ბავშვების მამას, ახლა ყურძენზე რა გალაპარაკებ-მეთქი, ატირდა, და გამოტყდა — ძალიან მთვრალი ვიყავ და ამან დამღუპაო.

დამნაშავის საქმე სასამართლოს გადაეცა.

ნაშუსიც პარგი სამონელია

კახეთში მუშაობის დროს ვიცნობდი ერთ დარბაისელ კაცს, ინტელიგენტს. თავიანთი იყო, თავმდაბალი, წყნარი, მისი ცული სიტყვა არავის ახსოვდა. ერთხელ, მიღების საათებში მოვიდა ჩემთან, მთხოვა მომესმინა, მაგრამ ისე იყო აღელვებული და დახეული, აღარ იცოდა საიდან დაეწყო თავისი სათქმელი.

— ვანო, შენთან როგორც პროკურორთან, ისე კი არ მოვედი. რაღაც გადავწყვიტე და მინდა რჩევა გკითხო.

— მითხარი და თუ რამე შემიძლია...

— ცოლს მინდა გავეყარო.

გაკვირებულმა შევხედე. სამოც წელს გადაცილებული კაცისაგან ასეთი რამის გაგონებას არ მოველოდი.

— რა მოხდა, კაცო ასეთი?

— არავისი აღარაფერი მწამს, არც შინაურისა და არც გარეშისი. მარტო მინდა ვიყო...

— მიზეზს არ იტყვი?

— დასამალი არაფერი მაქვს. ახალგაზრდობიდან მე და ჩემს ნინოს სადავო და საჩხუბარი არაფერი გვქონია. მიყვარდა, იმასაც ვუყვარდი. ორი ოთახი გვაქვს კომუნალურ ბინაში. ამ ათიოდე წლის წინ ნინო ჩამაცივდა — შვილი მაინც არა გვყავს, მოდი, ჩემს უმცროს დას თინას ჩამოვიყვან, სოფელში სწავლობს, გავზარდოთ, გათხოვდება და მუდამ ჩვენი მადლობელი იქნება, ამაგს არ დაგვიკარგავსო.

უარს როგორ ვეტყვოდი, დავთანხმდი. იზრდებოდა გოგო ჩვენთან, როგორც შვილს, ისე ვეპყრობოდი. წელს დამთავრა საშუალო სკოლა, სიმწიფის ატესტატი აიღო. ცოლმა მითხრა, ამდენი მადლი ვუქენით, ბარემ მარილიც მოვაყაროთ, თინას ყოფილი თანაკლასელები დავუპატიჟოთ და ქიეფი გადავიხადოთ, ახალგაზრდები ცხოვრების დიდ გზაზე გამოდიანო. არც ამზე ვთქვი უარი: ცოტათი კი გამივიკრდა, როცა შევხედე, თუ რა დიდ ქიეფს აწყობდნენ ჩემს ოჯახში. მაინც არაფერი დავფოგე, ცოტა რამ თანხა მე თვითონ მქონდა გადანახული, ცოტა ვალიც ავიღე და ისეთი სუფრა გავაწყვე, საქორწილოდ არ დაიწუნებოდა. მე სულელმა, რა ვიცოდი, თურმე მართლა ქორწილს აწყობდნენ, მაგრამ მე მიმალავდნენ. ყველაფერს მაშინდა მივხვდი, ახალგაზრდები რომ შექიფიანდნენ და ატეხეს ძახილი „გორკა, გორკა“. წამოდგნენ თინა და გივია (ასე ჰქვია ნეფეს), გადაკცნეს ერთმანეთი, მიულოცეს ამხანაგებმა, ბოლოს გივიამ ყენწი აავსო და ჩემი სადღეგრძელო დალია, ათასი საქნარი სიტყვა მითხრა, მეც რას ვიზამდი, ვთქვი მისილოცი ტუსტი.

დილას რომ გამოვფხიზლდი, ვხედავ, ჩემი საწერი მაგიდა, წიგნების კარადა, დანარჩენი ავეჯი უწესრიგოდ გამოუყრიათ აქეთა ოთახში, იქით კი ნეფედელოფალი დაბინავებულან. კარგი, ქორწილი ისე გადამხდევინეს, არა მკითხეს, ეს რაღა ღვთის წყრლამა-მეთქი, ავენთე. მითხრეს, შენმა ცოლმა თავიდანვე სულუყველად იცოდა და ასე ამბობდა — მაგისი მოქცეიანება ჩემზე მოავლეთო. კინაღამ ჭკუაზე შევიშალე. აივსო ჩემი მოთმინების ფაილა. შეიძლება კაცი ასე გაწიროს და აბურხად აიგდოს ახლობლებმა? მივმართე სასამართლოს, არაფერი გამოვიდა, მეორე ოთახი თინას მიაკუთვნეს, მან თავისთან ჩაწერა ქმარი, ახლა მინდა ცოლს გავცილდე, ის დარჩენილი ოთახი შუაზე არ გაიყოფა, მაგრამ თავში ქვა უხლათ, ისიც იმათ ჰქონდეთ. არაფერი აღარ მინდა. სჯობია სულ გავცილდე ასეთ აღამიანებს. რას მეტყვი ამაზე?

რა უნდა მეთქვა, თვითონ ყველაფერი უკვე გადაწყვეტილი ჰქონდა.

ასეც მოიქცა. ხუთი წლის შემდეგ რომ შემხვდა ეს ჩემი ნაცნობი, გაახალგაზრდაებული მერჩენა, ხალისით და სიცოცხლით სავსე იყო.

განვლილი ღვაპის განხილვა

ქართული მემუარული ლიტერატურა ძალიან ღარიბია. ჯერ ისევ რევოლუციამდე კიბა აბაშიძე ჩიოდა ამის გამო. წერილში „ჩვენი მწიგნობრობა და კრიტიკის უქონლობა“ იგი აღნიშნავდა, რომ შეუძლებელია ყოველგვარი, სავსებით განსაჯო შორეული თუ ახლო წარსულის რომელიმე ლიტერატურული მოვლენა, რომელიმე ნაწარმოები, თუ არ იცი იმ დროის მთელი შინაგანი ვითარება, ფიქრები და ხასიათი თვითონ მწერლისა, რომელსაც ყველაზე კარგად მემუარული ნაშრომები გადმოსცემენო. კ. აბაშიძის ამ სიტყვების შემდეგ ქართული მემუარული ლიტერატურა არც ისე დიდად გამდიდრებულა. ასეთ ვითარებაში, ცხადია, ღრმა ინტერესს იწვევს ყოველი მოგონება, ან ეპისტოლარული, ან მემუარული ხასიათის დოკუმენტი, რომელიც წარსულის სურათს დაგვიხატავს.

ამიტომ მოხდა, რომ მკითხველი ინტერესით შეხვდა პროფ. დავით კობიძის წიგნს „როცა ახალი ცხოვრება იწყებოდა“, რომელიც ახლახან გამოცა „საბჭოთა საქართველოში“ და რომელიც ჩვენი საუკუნის 20-იანი წლების ლიტერატურულ ატმოსფეროს აგვიწერს. ეს იყო საქართველოში საბჭოთა ხელისუფლების დამყარების პირველი წლები; ქართველი ხალხი იწყებდა თავისი ცხოვრების ახალ ეპოქას, დაძაბულ შემოქმედებით მუშაობას სოციალიზმის ასაშენებლად. ქართველი ინტელიგენცია, მისი მოწინავე რაზმი იდგა თავისი ხალხის მხარდამხარ და იწყებდა დაძაბულ მუშაობას ახალი კულტურის შესაქმნელად. მაგრამ ახლის წარმოქმნის გზაზე ბევრი რამ ჯერ კიდევ გაურკვეველი იყო. მწერლები გაერთიანებული იყვნენ სხვადასხვა ლიტერატურულ დაჯგუფებებში, არსებობდა დეკადენტური ლიტერატურული სკოლებიც, მაგრამ ისიც ნათელი იყო, რომ ახალგაზრდა საბჭოთა ლიტერატურა სულ უფრო და უფრო მძლავრად იკადრებდა ფეხს, მის მხარეზე გადადიოდნენ მწერლები, რომლებიც ადრე დეკადენტურ სკოლებს ეკუთვნოდნენ.

დავით კობიძე სწორედ იმ ხანებში გამოვიდა სამწერლო ასპარეზზე, წერდა ლექსებსა და ლიტერატურულ-კრიტიკულ წერილებს. მართალია, ის ბოლომდე არ გაჟოლია პოეზიას; დავითი დღეს ცნობილი ირანისტა და მეტად ნაყოფიერ მოდერნიზმის ეწევა თბილისის სახელმწიფო უნივერსიტეტში — ზრდის და ხელს უწყობს ახალგაზრდა ირანისტთა კადრებს. დავით კობიძეს, როგორც მეცნიერს და როგორც ირანისტს, როგორც შესანიშნავი გამოკვლევების ავტორს ქართულ-სპარსული კულტურული ურთიერთობის თემაზე, იცნობენ არა მარტო საქართველოსა და რუსეთში, არამედ ევროპისა და აზიის ქვეყნებშიც.

20-იან წლებში დავით კობიძე დაახლოებული იყო იმ დიდ ქართველ მწერლებთან, რომლებმაც შემდგომში შექმნეს ახალი ქართული საბჭოთა პოეზია. მისი მოგონებების ფურცლებზე ხშირად გვხვდება გალაკტიონ ტაბიძის, იოსებ გრიშაშვილის, სიმონ ჩიქოვანის, პაოლო იაშვილის, ტიციან ტაბიძის, ნიკოლო მიწისუბლის, ვალერიან გაფრინდაშვილის, გიორგი ქუჩიშვილის, იონა ვაკელის, ალიო მაშაშვილის, კარლო კალაძის, ვიქტორ გაბესკირიას და სხვათა სახელები, ავტორი მოგვითხრობს მათთან საინტერესო შეხვედრებზე, ლიტერატურულ სადამოებებსა და დისპუტებზე.

იმდროინდელი ლიტერატურის მიმოხილვისას ავტორი ჩერდება კერძოდ „ცისფერი ყანწების“ ჯგუფზე და აღნიშნავს, თუ რა როლი შეასრულეს მათ ქართული ლექსის ფორმების განვითარების თვალსაზრისით, აქ იგი ამბობს:

„აღნიშნული ლიტერატურული მიმდინარეობის დახასიათებისას უნდა დავეთანხმეთ XX საუკუნის ქართული ლიტერატურის გამოჩენილ მკვლევარს პროფ. ს. ტილაიას. ის წერს: „ჩვენს ლიტერატურულ კრიტიკას, სხვადასხვა მიზეზების გამო, ყოველთვის უსტი ლიტერატურული თვალსაზრისი არ ჰქონია ამ ავტორების შეფასების დროს. ბევრ შემთხვევაში ცალმხრივი ვიყავით მათი ღვაწლის დახასიათებისას. ამ მწერლების შემოქმედებითი გზის განხილვა შესაძლებლობას მოგვცემს თვალნათლივ დავანახოთ მკითხველს, განსაკუთრებით კი ჩვენს ახალგაზრდობას, რომ მათს ლიტერატურულ მემკვიდრეობაში ის არის ყველაზე ძვირფასი და საინტერესო, რაც უკავშირდება რეალიზმს, საბჭოთა ეპოქას, ხოლო მათს ადრინდელ ზაუმურ-სიმბოლისტურ ძიებებს ლიტერატურისათვის თუ აქვს ერთგვარი მნიშვნელობა. თავისთავად კი ამ თაობის მიერ ლიტერატურული ფორმის საკითხის მწვერულზე დაყენება და ფორმალური გატაცება მომზადებული იყო ჩვენი ლიტერატურული ცხოვრების პირობებით.“ (მეოცე საუკუნის ქართული მწერლობა, ნაწილი მესამე, თბილისი, 1962, გვ. 4“).

შემდეგ, დ. კობიძე განაგრძობს:

„ჩემი აზრით, აუცილებელ საჭიროებას წარმოადგენს მეცნიერული გზებითა და მეთოდებით შესწავლილ იქნეს თვითთული ლიტერატურული მიმართულება, დაჯგუფება, რომლებიც კი ჩვენში არსებობდა (სიმბოლიზმი, ფუტურისმი და სხვ.) ასეთი გამოკვლევები და მონოგრაფიები საჭიროა ქართული ლიტერატურის ისტორიის სრულყოფილი შესწავლისათვის.

ამასთან, ლიტერატურულმა კრიტიკამ თავის მუშაობაში გარკვეული ადგილი უნდა დაუთმოს ძირითადი ლიტერატურული მიმდინარეობის პერიფერიულ განშტოებათა შესწავლას, რადგანაც უამისოდ მთელი ლიტერატურის პროცესების შესახებ ძნელია წარმოდგენა ვიქონიოთ.

საქმე ის არის, — დასკვნის კობიძე, — რომ ლიტერატურის ძირითადი მიმდინარეობის ნაპირებზე მთელი რიგი პოეტები და მწერლები რჩება, რომელთა შემოქმედება საზოგადოებრივი ცხოვრების მოტივებით არ არის დამძიმებული, ისინი განწე დარჩნენ, მაგრამ მათი შემოქმედების შესწავლა ამა თუ იმ საკითხის კვლევისას ზოგჯერ დიდ დახმარებას გვიწევს. ჩემს მოგონებებში მე, ზოგჯერ, ყურადღებას ვუთმობ დღეს ჩვენი საზოგადოებისათვის სრულიად უცნობ, ან ნაკლებად ცნობილ პოეტებს, რომლებიც „ნაპირებზე დარჩნენ“, მაგრამ მათი შესწავლაც საჭიროდ მიმაჩნია XX საუკუნის 20-30-იანი წლების ქართული პოეზიის სრული სურათის აღსადგენად“.

ამ ხარვეზის შესავსებად დავით კობიძე თავის მოგონებებში მრავალ დავიწყებულ სახელს ახსენებს.


ამ მოგონებებში სხვაც ბევრი რამ არის საინტერესო. აი, თუნდაც ცნობები იური მარზე — როგორი მასწავლებელი იყო იგი ჩოხატაურის გიმნაზიაში, როგორ კითხულობდა ლექციებს თბილისის უნივერსიტეტში; შემდეგ აქვია ცნობები ფერეიდანელ ქართველზე — სეიფოლა იოსელიანზე; მოგონებებში განსაკუთრებით დიდი ადგილი აქვს დათმობილი საბჭოთა ეპოქის დიდ პოეტს გალაკტიონ ტაბიძეს, ავტორი მოგვითხრობს მის ლიტერატურულ სადამოებზე, იძლევა პოეტის პიროვნულ დახასიათებას.

საინტერესოა ავტორის ჩანაწერებიც თავისი მასწავლებლობის დროიდან. აქ მოცემულია მკაფიო სურათი იმ დროის აჭარის ცხოვრებისა.

ამ წიგნს ჩვენი მკითხველი ინტერესით წაიკითხავს.

თინა ჩიგობია

მოყვანიკა



ციხიდან ოლიმპიადაზე

ამერიკელ მოკრივეს უმჩატეს წონაში ლი ჰანტერს, რომელსაც მკვლევარისათვის თვრამეტი წელი აქვს მისჯილი და მინიგის (კაროლინის შტატი) ციხეში ზის, უახლოეს ხანში ევროპაში სასიამოვნო გასერიდება ელის.

როგორც პრესა იუწყება, ლი ჰანტერი ჩარიცხულია ამერიკის შეერთებული შტატების მოკრივეთა გუნდში, რომელიც მიუნხენში გაემგზავრება ოლიმპიურ თამაშებში მონაწილეობის მისაღებად.

მოკრივეს სიხარულსა და სპორტულ ადტკინებას მხოლოდ ერთი გარემოება ანელებს: ლი ჰანტერს დააკისრეს გარკვეული თანხა გადაიხადოს იმ მცველთა შესანახად, რომლებსაც მის სადარაჯოდ გზავნიან მიუნხენში.

ვინ დაწერა „ომი და მუვიდობა“?

ინგლისურმა სამეცნიერო ჟურნალმა „ელიუქი-ონლ რისერჩმა“ გადაწყვიტა შეემოწმებინა ზედა-გოგური კოლეჯების სტუდენტების ცოდნა. ამ მიზნით მოაწყო ანკეტა. ერთ-ერთი ცნობილი კოლეჯის სტუდენტმა დასმულ კითხვაზე უპასუხა, რომ საქვეყნოდ სახელგანთქმული რომანის „ომი და მუვიდობის“ ავტორია... უინსტონ ჩერჩილი. სხვა სტუდენტებმა ამ ნაწარმოების ავტორად დაასახელეს გრემ გრინი და ლევ ტროცკი... ჟურნალის

მეორე დაკითხული მანჩესტერის, გლაზგოსა და ლონდონის კოლეჯების 586 სტუდენტიდან, მხოლოდ ძალიან ცოტამ გასცა სწორი პასუხი: ლევ ტროცკი. სტუდენტებმა ვერ უპასუხეს დანარჩენ 49 კითხვაზეც, რომლებიც მუსიკის, ლიტერატურის, სახეითი ხელოვნების, არქიტექტურის საკითხებს შეეხებოდა. ამ შეკითხვებზე ყოველმა მეოთხე სტუდენტმა არასწორი პასუხი გასცა; ხოლო სწორი პასუხების საშუალო მაჩვენებელმა დაახლოებით 30 პროცენტი შეადგინა. ამ დაკითხვების ორგანიზატორი უილფრედ ჰოპკინსი მორცხვად ამბობს: „მეტად საკამათოა, შეიძლება თუ არა, განათლებულ ადამიანებად ჩავთვალოთ სტუდენტები, რომლებსაც ცოდნის ასეთი დაბალი მაჩვენებლები აქვთ“.



მეცნიერული აზრის კერა

ამას წინათ თბილისში ჩატარდა საქართველოს საისტორიო საზოგადოების მესამე ყრილობა, რომელმაც განიხილა ამავე საზოგადოების პრეზიდიუმისა და სამეცნიერო საბჭოს მიერ ჩატარებული მუშაობა განვლილი ხუთი წლის მანძილზე; ყრილობაზე საანგარიშო მოხსენება წაიკითხა საისტორიო საზოგადოების თავმჯდომარემ აკად. გიორგი ჩიტაიამ. ყრილობის მუშაობაში მონაწილეობა მიიღეს ჩვენმა ცნობილმა მეცნიერებმა — ისტორიკოსებმა, არქეოლოგებმა, ენათმეცნიერებმა, ეთნოგრაფებმა, ფოლკლორის სპეციალისტებმა, აგრეთვე მასწავლებლებმა და კულტურის მუშაკებმა.

ქართველი საბჭოთა მეცნიერები, კერძოდ ისტორიის დარგის სპეციალისტები გატაცებით ემზადებიან ღირსეულად შეხვდნენ ჩვენი ხალხის დიდ დღესასწაულს — სსრ კავშირის შექმნის 50 წლისთავს. ამ მხრივ ხსენებული საზოგადოებას მრავალი კარგი ღონისძიება აქვს დასახული; საბჭოთა კავშირის ხალხთა მეგობრობას აქვს არა მარტო თავისი მშვენიერი აწმყო, არამედ სახელოვანი წარსულიც. საისტორიო საზოგადოების ყურადღების ცენტრში სწორედ ეს საკითხები დგას. ჩვენი სამშობლოს ტერიტორიაზე მოხალხე ხალხებს დასაბამიდან აკავშირებდათ მეგობრული ურთიერთობა, ჩვენი ხალხების მეგობრობას შორეული ისტორიული ფესვები აქვს და ისტორიის მეცნიერების მიზანი სწორედ ის არის, იუბილეისათვის მზადების დღეებში უფრო ღრმად და საფუძვლიანად შეისწავლოს ეს ისტორიული სწრაფვა ხალხებისა ურთიერთდაკავშირებისა და დაახლოებისაკენ.

საქართველოს საისტორიო საზოგადოებამ დიდი ღვაწლი და ამაგი დასლო ჩვენი წარსულის შესწავლის საქმეს. იგი დაარსებულ იქნა 1907 წელს, „საქართველოს საისტორიო და საეთნოგრაფიო საზოგადოების“ სახელწოდებით. მისი დამაარსებელი, სულსჩამდგამელი და პირველი თავმჯდომარე იყო ექვთიმე თაყაიშვილი. მას გვირდოი ედგნენ ი. გოგებაშვილი, ალ. სარაჯიშვილი, დ. კარიჭაშვილი, გრ. ყიფშიძე, ს. გორგაძე, კ. კეკელიძე, კ. ცინცაძე, კ. მყაუზიანი, ალ. ცაგარელი, მ. ჯანაშვილი, ი. აბულაძე და სხვები. შემდგომში, ამ საზოგადოების მუშაობაში ჩაებნენ ნ. მარი და ივ. ჯავახიშვილი,

მომდევნო თაობიდან — ა. შანიძე, ბ. ინგოროყვა, ა. სვანიძე. სულ მოკლე დროში საზოგადოებამ დიდი პოპულარობა მოიპოვა; მისი წევრების რიცხვი 1909 წლისათვის 486 კაცს აღწევდა; დიდი ქართველი პოეტი აკაკი წერეთელი ამ საზოგადოების საპატიო წევრი იყო. საისტორიო და საეთნოგრაფიო საზოგადოება აგრძელებდა ერისა და მისი კულტურის ამსახველ სიძველეებს, მართავდა საჯარო კრებებს, სადაც იკითხებოდა მოხსენებები საქართველოს ისტორიასა და ეთნოგრაფიაზე. ძალზე საინტერესო იყო ის საგამომცემლო მუშაობაც, რომელსაც საზოგადოება ეწეოდა. ვის არ ახსოვს მის მიერ გამოცემული მშვენიერი კრებულები: „ძველი საქართველო“ (ოთხი ტომი) და „საქართველოს სიძველენი“ (ოთხი ტომი); ამას გარდა, იმართებოდა გამოცემები, ეწყობოდა ექსკურსიები, სამეცნიერო ექსპედიციები საქართველოს სხვადასხვა კუთხეების შესასწავლად; ცნობილია, კერძოდ, ექვთიმე თაყაიშვილის არქეოლოგიური ექსპედიციები, რომელმაც ბევრი რამ შემატა საქართველოს ისტორიის კვლევის საქმეს.

1911-12 წლების მანძილზე საზოგადოებამ შექმნა წიგნსაცავ-მუზეუმი, სადაც თავი მოუყარეს დიდძალ არქეოლოგიურ-ეთნოგრაფიულ მასალასა და იშვიათ ხელნაწერებს. საზოგადოების წევრთა გულმოდგინე ძიების შედეგად შეგროვდა მონეტების მდიდარი კოლექცია, გადმოღებულ იქნა პირები ძველი ქართული ფრესკებიდან. მთელი ეს საგანძური შემდგომში გადაეცა საქართველოს სახელმწიფო მუზეუმს და საქართველოს ხელოვნების მუზეუმს.

ხსენებული საზოგადოება რეგულუციამდე ერთდერთი სამეცნიერო კერა იყო, სადაც იწრთობოდა სამეცნიერო აზრი; ამ საზოგადოების მეთაურნი ნიადაგს უმზადებდნენ ქართული უნივერსიტეტის დაარსებას.

საქართველოში საბჭოთა ხელისუფლების დამყარების შემდეგ, განვლილი ნახევარი საუკუნის მანძილზე ამ საზოგადოების სათავეში იდგნენ და მის მუშაობაში უაღრესად აქტიურ მონაწილეობას ღებულობდნენ გამოჩენილი ქართველი საბჭოთა ისტორიკოსები, არქეოლოგები, ენათმეცნიერები —

ივ. ჯავახიშვილი, ა. შანიძე, ს. ჯანაშვილი, ნ. ბერძენიშვილი, ა. ჩიქობავა, ს. ყაუხჩიშვილი, გ. ჩიტაია, ი. ცინცაძე, შ. ამირანაშვილი, ა. აფაქიძე, შ. მესხია და სხვები.

ძნელია ამ მცირე მოცულობის წერილში საზოგადოების მთელი საქმიანობის დახასიათება. აღვნიშნავთ მხოლოდ ცალკეულ საინტერესო ფაქტებს: რომის უნივერსიტეტის პროფესორ ემილიო სერენის მეშვეობით მოხერხდა ქ. პალერმოს საქალაქო ბიბლიოთეკიდან კასტელის სამტომიანი ალბომის კინოფირის მიღება, რომელიც 700-ზე მეტ სურათს მოიცავს და რომელიც რამდენჯერმე უფრო მეტია, ვიდრე ის სურათები, რომლებიც მანამდე ჩვენს განკარგულებაში იყო. ამას გარდა, ბუდაპეშტის ეთნოგრაფიული მუზეუმიდან საზოგადოებამ მიიღო ამჟამად იქ დაცული კავკასიური ეთნოგრაფიული კოლექციის ნუსხა, იმ კოლექციის, რომელიც შეგროვდა ზიჩინი და იარხომ გასული საუკუნის ოთხმოცდაათიან წლებში; მიმდინარეობს ძიება ქართლის სასოფლო-სამეურნეო იარაღების მოდელების ნუსხისა, რომელიც უორდრობების ფონდში ინახებოდა. ჭრჭერობით ამ კოლექციის კვალი არ არის მიგნებული, ამ საქმეზე მუშაობს თბილისის უნივერსიტეტის სტუიური თამარ დრაგაძე. ამას გარდა, საზოგადოებას ხელთ აქვს ნუსხა იმ ეთნოგრაფიულ კოლექციებისა, რომლებიც დაცულია ჰამბურგის კოლონიურ მუზეუმში.

საისტორიო საზოგადოება აწარმოებს დიდ და მრავალმხრივ საგამომცემლო მუშაობას, იბეჭდება როგორც საისტორიო კრებულები, ისე სამეცნიერო-პოპულარული წიგნები, რომელთა ავტორები არიან ჩვენი ცნობილი მკვლევარები.

საქართველოს საისტორიო საზოგადოებას სახელოვანი ტრადიციები აქვს. მას დიდი დამსახურება მიუძღვის ქართული კულტურისა და მეცნიერების წინაშე. ამჟამად იგი დიდ მუშაობას აწარმოებს იმ ამოცანათა განსახორციელებლად, რომლებსაც კომუნისტური პარტია აყენებს ისტორიული მეცნიერების წინაშე.

ნელი ჩაჩავაძე



ტომის თავგზა დაგზნა



ჩრდილოეთ ირლანდიაში ინგლისის საოკუპაციო ჯარების მთავარსარდლობამ უცნაური ბრძანება გამოსცა: ჯარისკაცებს დაავალა გულმოდგინედ გაჩხრიკონ ჩრდილოეთირლანდიელი ბავშვები და მათ სათამაშო თოფები ჩამოართვან.

საქმე ის არის, რომ ტომის სულ დაებნა თავგზა და ბავშვების სათამაშო თოფები ნამდვილ ავტომატებად ეჩვენება. ამის გამო ინგლისელმა ჯარისკაცებმა არაერთი ბავშვი იმსხვერპლეს — მათი სათამაშოს დანახვაზე უმალ ცეცხლს გახსნიდნენ ხოლმე.

მუსოლინის ძვრივის საჩივარი

სულ ახლახანს მუსოლინის ქვრივმა იტალიის მთავრობას სასამართლოში უჩივლა. ქვრივი მოითხოვს, რომ მისთვის 1968 წლიდან დანიშნული პენსია — 152 ათასი ლირა, გაუდიდონ 228 ათას ლირამდე (დაახლოებით 400 დოლარი); გარდა ამისა, სინიორა მუსოლინი მოითხოვს, რომ მთავრობამ გადაუხადოს გასული წლების პენსიის განსხვავება და დაუბრუნოს გარდაცვლილი მეუღლის მიერ „შეძენილი“ ზოგიერთი ფერმა.

როგორც ჩანს, პენსიონერს მტკიცედ აქვს გადაწყვეტილი კიდევ უფრო გააფართოვოს თავისი ბიზნესი: იგი ამჟამად მფლობელია საქმოდ მდიდრული რესტორნისა, რომელიც მისი ბენიტოს საფლავის მახლობლად მდებარეობს.



არისტოვის არის საზირო ხურდა ფული

ამას წინათ, ქალაქ მილანში, ტრამვაის ვაგონში მგზავრთა ყურადღება მიიპყრო კარგად ჩაცმულმა ახალგაზრდა კაცმა, რომელსაც ხურდა არ აღმოაჩინდა ბილეთის შესაძენად.

კონდუქტორის შეურაცხმყოფელი შენიშვნის საპასუხოდ, ახალგაზრდამ ჩიბებშიდან ლირების 50 ათასიანი დასტები ამოიღო და თავმოყრონედ შეათამაშა ჰაერში.

„მილიონერი“ იქვე დააკავს. იგი აღმოჩნდა ახალბედა მძარცველი, რომელმაც ის-ის იყო წარმატებით ჩაატარა ბანკის გამარცხვის „ოპერაცია“ და შინ გახარებული ბრუნდებოდა.

საქ. სსრ კ. მარქსის საბ. სახ. რესპუბ. ბიბლიოთეკა

პროზისი

იუმორისკა

პროფესიებზე თუ მიღმა ტრაბახი, მე უნდა დავიკვირო. შოფერი ვარ, ფული ჩეჩქივით მაყრია. ემანდ არა თქვან, დიპლომებიან ზაურას და ბონდოს არა ჰშურთ ტაბაჭუანთ შოფრისაო.

მენაცვალნენს

ჭერ კუჭი გაიძლონ და ისე შეხედონ ჩემს სახლს. ან არა და, სახლმმართველობის ბინიდან გამოსახლდნენ და მანქანაზე მერე მებათბათნენ.

ვაი, ჩემს „ვოლგას“ რომ დავგარიალები ჩემი სიყმე მოკვდეს რაღა, თუ მინისტრი არ გეგონო. არა, იმ ჩემ შლაპასაც რომ მოვიგდებ თავზე, მევე მიკვირს რაღა, ეს ტაბაჭუა შოფერია, თუ ტაბახმელა გრაკლოვიჩი?

ამ ბოლო დროს გაზეთების წაკითხვა დავიწყე. მომიხდება-მეთქი სიფათებში რაღა! არა და რაში მინტერესებს ვინ რას მიადწია, ემანდ ფულეების ხვეტაში არ მაჯობონ!

ჰოდა, იმ დღეს ახალი გაზეთი რომ გავშალე, შიგა, მე შენ გეტყვი, ერთ მწერალს ჩაუწერია — რა პროფესიაც აირჩიე, იმაზე უნდა მოკვდეო. მამაცხონებული, გუშინდელი დღე ხვალინდელს არა ჰგავს და მაშინ ჩემი გიო პაპა მემწვანაილედ უნდა მომკვდარიყო. მე რომ მკითხო, ტრაქტორისტის სანთელი თვითმფრინავში ანთია, მაში ახლა ის მწერალი იტყვის თვითმფრინავით ხომ არ მოხნავს მიწასაო.

ვა! მიწას კი არ უნდა შეაკლა თავი. მიწა ჩვენი კერძია და ჩვენვე უნდა შევიკრავოთ. ახლა სხვებმა მოხნან; ძველებმა, დამსახურებულებმა კი ცოტა უნდა გავიხაროთ.

აბა, ჩემზე გაიგოს იმ მწერალმა! შენა მაშინ ნახე ოინი! მეც მასე შევიცვალე პროფესია. მეყო, რაც ვაგუგუნე ავტობუსები, ახლა სხვამ უსინჯოს გემო.

მე, ლადომა და ვახტომ ვიფიქრეთ, ვიფიქრეთ და შეგატყვევთ, რომ შოფრობა აღარაფრის მაქნისია. გზაზე ათასი ინსპექტორი გამოწმეხს. ჰოდა, როგორღა იწარმოოს კაცმა ისევე ლადომ მოიფიქრა. ერთი სარდაფი ჩავაბარეს ქალაქგარეთ და იქაურობა თეატრის მხატვარს კაი ჯიგრიანად მოვანახტინეთ. რა ვიცი, ბუხარო, ტახტებო, ღვინის კასრებო, შვლები და ხოხობები, ყველაფერი თეატრით დახატა.

ჭერაც არ გვქონდა დამთავრებული, რომ მოგვაწყდა ხალხი და რა მოგვაწყდა. მუსტარიც ამას ჰქვია!

მოკვდეს ტაბაჭუა, თუ იმ დიპლომიან გულდაფუტებს ჩემი ახალი მარიფათებისა არ შეშურდეთ!


ახლა იტრიალე, ტაბაჭუავ, რესტორანში და კრიფე ფულეები ვარივარალებით.

კარგი სახელიც წაუწერია იმ მხატვარს გარედან — „სამხეცო“. ვახტომ წარამარა მისწორებს: „სამხეცე“ კი არა, „სამცხეო“.

დიდებული მხეცი რამეა, არ გინდა დაპარაკი!

ერთმა ძმაკაცმა მითხრა, წუხელ სიზმარში გნახე, ვითომ შენთან „პერედაჩა“ მომქონდაო. ამიტომ დღეს ცოტა ცუდ ხასიათზე ვარ. ენამ არ უყვილოს იმ სულძაღლს, იმას!

ლილი ფენაშვილი.



ქოსკორდი

პორიონთალურად

1. მდინარე ინდოეთში. 6. გარეული ფრინველი. 9. სიმებიანი საკრავის ყე-ლი. 11. დიდი გერმანელი პოეტი და მოაზროვნე. 12. იტალიელი კომპოზიტორი. 15. სპორტული იარაღი. 19. გეომეტრიული მრუდი. 22. ძველი დროის ქართველი ფილოსოფოსი და მწერალი. 24. პატარა ქალაქი რუმინეთში. 25. პატარა მდინარე. 26. ქართველი ისტორიკოსი. 27. მდინარე საქართველოში. 28. ეკლიანი ბალახი. 29. ქალაქი ესპანეთში. 30. სისხლნაკლებობა. 32. სახელმწიფო ამერიკის მატერიკზე. 36. მუსიკის ერთ-ერთი ელემენტი. 37. უნგრელი კომპოზიტორი. 38. ავსტრალიელი სათბერო მომღერალი ქალი. 41. გიგანტური ზომის გადაშენებული ქვეწარმავალი. 42. მონათმფლობელური სახელმწიფო (ძვ. წ.-ის მე-7-6 საუკუნეები).

პერტიკალურად

2. დიდი ყაზახი მწერალი-განმანათლებელი. 3. ოსკარ უაილდის რომანის გმირი. 4. ტროელი მეფისწული. 5. სახელმწიფო ევროპაში. 7. ნორვეგიელი კომპოზიტორი. 8. ქართული ფოლკლორის პოპულარული პერსონაჟი. 10. ეროვნულ-განმათავისუფლებელი მოძრაობა იტალიის გაერთიანებისათვის. 13. მე-17-18 საუკუნეების საფრანგეთის ცნობილი პოლიტიკური მოღვაწე და დიპლომატი. 14. პიუგოს რომანის პერსონაჟი. 16. სატევარი. 17. ქართველი მწერლის ლიტერატურული ფსევდონიმი. 18. სანადირო ძაღლი. 20. ქალაქი პერუში. 21. ალ. ყაზბეგის მოთხრობა. 23. ილ. ჭავჭავაძის მოთხრობის პერსონაჟი. 31. მუნიციპალური მმართველობა. 33. აღმინისტრაციულ-ტერიტორიული ერთეულის მმართველი შამილის საიმამოში. 34. შექსპირის ტრაგედიის ქალი პერსონაჟი. 35. ამირანაიანის პერსონაჟი. 39. ცნობილი დანიელი ფიზიკოსი. 40. გერმანელი მწერალი.

გარეკანის პირველ გვერდზე: ხევისურები სამაისო ზეიმზე (ზემოთ). ფოტო თ. არ ჩვადისა. აბრეშუმსაქსოვი ფაბრიკის მხატვრები (ქვემოთ). ფოტო ვ. ჭერიანოვისა.

მთავარი რედაქტორი გ. ნატროშვილი.

სარედაქციო კოლეგია: გ. ბახტაძე, თ. გოგოლაძე (პ/მგ. მდივანი), ს. დურმი-შიძე, ლ. კალანდაძე, ვ. კიკნაძე, ა. კუსრაშვილი, დ. ნოდია (მხატვარი-რედაქტორი), მ. სააკაშვილი, ი. ტაბაღუა, უ. ჯაფარიძე.

სამ კვ ცკ-ის გამომცემლობა

ტექნიკური დ. ხეფიაშვილი. კორექტორი ტ. თაბორიძე.

რედაქციის მისამართი: თბილისი, რუსთაველის პრ. № 42, III სართ. ტელ.—რედაქტორის—99-54-66, პ/მგ. მდივანის—99-82-69, განყოფილებების—93-28-42, 99-01-39


რედაქციაში შემოსული მასალები ავტორებს არ უბრუნდებათ.

ფასი 30 კაპ.

გადაეცა ახაწყობად 9/IV-72 წ. ხელმოწერილია დახატვად 25/IV-72 წ. ქაღ. ზომა 70x108¹/₈. ფიზიკური ნაბეჭდი ფურც. 2. პირობით ნაბეჭდი ფურცელი 1,8. სააღრიცხვო-საგამომცემლო თაბახი 3,1. ტირაჟი 51.100. შეჯვ. № 1351. უფ. 01830.

Ежемесячный общественно-политический и литературно-художественный журнал „Дроша“ (на грузинском языке) Издательство ЦК КП Грузии

საქ. კვ ცკ-ის გამომცემლობის სტამბა, თბილისი, ლენინის ქ. № 14. Типография издательства ЦК КП Грузии, Тбилиси, ул. Ленина, 14.




ბეთანია.



მეტეხი.

ვ. კ ი ლ ა ძ ე


მთაწმინდა.



ჯვრის მონასტერი.



ИНДЕКС 76056



თბილისის პეიზაჟები

ფოტო ვ. ჭეიროანოვისა.

